



O Manatunatuga i le Ola o le Agaga

Aoga Faafaiaoga a Ruhi



Tusi 1

O Manatunatuga i le Ola o le Agaga

Aoga Faafaiaoga a Ruhi

Fa'asologa o Tusi:

O lo o i lalo ifo ia igoa autu o tusi mai totonu o le fa'asologa o tusi a le Polokalame Fa'alea'oa'oga a le Ruhi. O le fa'amoemoe o nei Tusi o le fa'asologa autu lea o mataupu i se galuega tagatasi ina ia auiluma ai agava'a o talavou ma tagata matutua e auuuna ai i totonu o latou fa'alapotopotoga. Mo le fa'alauiteleina o malamalamaaga i nei mataupu o lo'o taumafai le Polokalame Fa'alea'oaoga a le Ruhi e atinae a'e nisi o lala mai le Tusi 3 e a'oa'oina ai faiaoga o tamaiti, ae fa'apea fo'i le Tusi 5 mo le tasiina lea o animeta o kulupu talavou tauamata. O nei atinaega o lo'o fa'ata'atia mai i le lisi o lo'o I lalo. E fautua atu i le au su'esu'e o leni lisi e iai ona suiga a'o auiluma tatou agava'a i totonu o lenai ala, e ona fa'aopopo ai nisi mataupu i le numera o elemeni e ta'ialaina ai le atinaega o fa'alauitelega i se tulaga auiluma tele.

Tusi 1	<i>O Manatunatuga i le Ola o le Agaga</i>
Tusi 2	<i>Tula'i e Auuuna</i>
Tusi 3	<i>O le A'oa'oina o A'oga a Tamaiti, Vasega 1</i> <i>O le A'oa'oina o A'oga a Tamaiti, Vasega 2 (lala)</i> <i>O le A'oa'oina o A'oga a Tamaiti, Vasega 3 (lala)</i> <i>O le A'oa'oina o A'oga a Tamaiti, Vasega 4 (lala)</i>
Tusi 4	<i>O Faifaaaliga Masaga</i>
Tusi 5	<i>Tatalaina o Malosiaga o Talavou Tauamata</i> <i>Ulua'i U'unaiga: Lālā muamua o le Tusi 5</i> Fa'alauiteleina o le Ta'amilosaga : Lālā loga lua o le Tusi 5
Tusi 6	<i>Tala'i le Fuataiga</i>
Tusi 7	<i>Savavali fa'atasi I le Ala o Auuunaga</i>
Tusi 8	<i>O le Feagaiga a Bahá'u'lláh</i>
Tusi 9	<i>Mauaina o se vaaiga Fa'aletasolopito</i>
Tusi 10	<i>Fausiaina o ni Fa'alapotopotoga Uluola</i>
Tusi 11	<i>Tamaoiga Fa'aletino</i>
Tusi 12	(O lo'o Fa'atalia)
Tusi 13	<i>Fa'afoeina o Gaioga Lautele</i>
Tusi 14	(O lo'o Fa'atalia)

Copyright © 2000 by the Ruhi Foundation, Colombia
All rights reserved. Edition 4.1.1.PE published in February 2022
Printed in Samoa and American Samoa

Originally published in Spanish as *Reflexiones sobre la vida del espíritu*
Copyright © 1987, 1995, 2008, 2020 by the Ruhi Foundation, Colombia
ISBN 978-958-59880-3-3

Permission for a limited printing of this book in Samoan has been granted to the Samoa National Training Institute by the Ruhi Institute.

Ruhi Institute
Cali, Colombia
Email: instituto@ruhi.org
Website: www.ruhi.org

Samoa National Training Institute
National Baha'i Office, Lelata
Apia, Samoa
+68521353
nibsecretary@bahaisamoa.ws
<https://www.bahaisamoa.ws>

Fa'asino Upu

O nai manatu mo le ta'iala	i
Malamalama'aga i Tusitusiga Bahá'í	1
Tatalo	15
O le Ola ma le Oti	31

O nai manatu mo le Ta'iala

O lo o faatuputupulaia pea mai le tele o tausaga le numera o nofoaga o le lalolagi ua mafai ona su'esu'eina ai le tusi "*O Manatunatuga i le Ola o le Agaga*", o le ulua'i tusi mai le fa'asologa o mataupu autu a le Polokalame Fa'alea'oa'oga a le Ruhi. Mai i le tele o tulaga eseese, e faitauina ai le tusi ma talanoaina faatasi e se kulupu o uo, lea e ono avea ma se li'o o su'esu'ega e masani ona mafuta faifaipea, e ono omai faatasi i se kemupeni ua faatulagaina mo se su'esu'ega mae'ae'a faatelelise, pe tauaofia foi i ni tolauapiga i taimi o tuuaga o a'oga. Po o le a lava le tulaga, o se tasi mai le kulupu e auauna faata'iala. O le sootaga i le vā o le ta'iala ma le isi vaega o le au su'esu'e e lē tusa ai ma le vā o le faia'oga-ma-tamaiti a'oga; o tagata uma ua auai ma le faateete i lenei polosesi lea o lo o sailiili ai tagata uma ina ia a'oa'oina. Ae e le faapea la o le a vavaeese pe le auai ai le ta'iala i taimi o soalaupulega. Mai le mafai ai ona faamae'aina le numera talafeagai o mataupu o le polokalame ma mai le faatinoina o gaiouga faaauunaga o lo o faalaeiau mai nei tusi, o le a mafai e le ta'iala ona fesoasoani i sui taitasi uma o le kulupu ina ia ausia lona faamoemoega o le tusi o lo o su'esu'eina. Mo i latou o lo o auauna faa-taiala mo le Tusi 1 e ono fesoasoani tele i la outou galuega pe a fai ma toe iloilo ina ma autalu manatu o lo o avatu i lenei vaega mai lea taimi i lea taimi.

I le loaloa o le lalolagi, e ulufale mai ai sui auai i lenei uluai tusi o le faasologa o tusi mai aganuu eseese. O nisi o sui e mai lava i le faalapotopotoga Baha'i o lo o iai le naunauta'iga e faaleleia atili o latou agavaa e auauna ai i le Fuata'iga ua o latou taliaina. O nisi ua avea lenei mataupu ma amataga o le latou sailiga agai i le Faatuatuga Baha'i i le avea ai ma se tapua'iga. Ae mo isi lava ua faapena ona tosina mai i talitonuga Bahá'í ma ua moomoo e faamasani i latou i sini ma taumafaiga a le faalapotopotoga. Ma o lo o faatuputupulaia pea le numera o talavou, o lo o manana'o e atina'e o latou agava'a e auauna atu ai mo le sosaiete e masani lava i se tasi po o se isi foi polokalame o lo o faalauiloa i totonu o le fa'alapotopotoga Bahá'í, latou te su'esu'eina lenei tusi o se ulua'i laasaga i la latou sailiiliga.

Mai le amataga o lea susesuga, e tatau ona manino ma iloa lelei e sui auai, o mataupu uma mai le Polokalame Fa'alea'oa'oga a le Ruhi o lo o taina se ala mo auaunaga i tagata soifua, ma e fua lava lo tatou savavali i le mea e gafatia e le tagata lava ia, i le fesoasoani ma le tautoalua mai o isi. O le savalia o lenei ala o lo o tuliloaina ai se fa'amoemoega sautualua: o le taga'i lea o le tagata i lona lava atina'eina faalemafaufau ma faaleagaga ma le faisaofoaga atu i se suiga ma se liuga o le sosaiete lautele. O le auiluma foi i luga o le ala e manaomia ai le atina'eina le tele o agavaa ma e manaomia ai se malamalamaaga ma le poto, uiga faaleagaga ma amioga ta'uleleia ma le viia, faapea foi ma le anoanoa'i o tomami mā agava'a. O le puna o le poto o lo o tuufaatasia ai tusi o le polokalame fa'alea'oa'oga, i le tasi itu, o a'oa'oga mai le Fa'atuatuga Bahá'í ma, i le isi itu, o le faatuputupula'ia lea o tomami ma iloa o le lalolagi Baha'i i le toe faalauteleina lea o se agaifanua faaletino ma le faaleagaga foi. O loo faaosofiaina le polokalame Faalea'oa'oga i le vaaliga mamao a Baha'u'llah i le tulaga e tatau

ona iai le tagata soifua ma se lalolagi o le a tatou fausiaina. E manatu o tagata uma o lo'o su'esu'e, i le tulaga tutoatasi, e maua le avanoa latou te taliaina ai lenei vaaiga mamao, lea o lo o manino mai i iunite uma o so o se tusi.

I se lalolagi o lo o naunau ai talitonuga eseese e faaaogaina so o se auala e mafai ona manumalo ai tagata tapua'i, o se tasi e le masani i le Faatuatuaga e ono i ai ni fesili mama agai i le faamoemoe o le Polokalame Faalea'oa'oga a le Ruhi, aemaise lava la, "O fesiligia a'u e suia la'u tapuaiga?" po o le "O fesiligia a'u e auai i se tapuaiga?" O ituaiga fesili faapenei e tuuina ai i le taiala se avanoa e faamatala ai le 'auga o le faasologa o mataupu e pei ona ta'ua i luga. E ui lava o se mea e ono tupu le naunau lea o tagata Baha'i ina ia vaai atu i sana uo ua auai i le faalapotopotoga, ae e ono faamatalaina e le ta'iala faapea, o a latou lava a'oa'oga o lo o poloa'iina ai i latou e faasa ona auai i ni faiga faapena e taumafai ai e faaliliu mai se uo mai lana tapua'iga. O le savalia o le ala o auunaga ua tuuina mai e le mataupu faalea'oa'oga ua valaauina ai i tatou mo se malamalamaaga loloto i a'oa'oga a Bahá'u'lláh, lea o lo o taumafai tusi e faailoa manino mai; o le taliaina ma le faatuatua o mataupu ia e mafaufaaina e tagata ta'itoatasi e aunoa ma se faamalosi.

E le o se mea e ofo ai, ona, o le fesili e faatatau i le malamalamaaga, lea e ogatotonugalemu i tusi uma ole faasologa o tusi, o lo o amataina i lenei tusi. O le faitau mai Tusitusiga Pa'ia e lē tutusa ma le faitauina o le faitau afe o itulau e mafai ona vaaia e se tagata i lona olaga atoa, ma o le iunite, "Malamalamaaga i Tusitusiga Baha'i", o lo o taumafai e faafailele se aga masani o le faitauina o fuaitau mai Tusitusiga Pa'ia i aso uma ma tomanatunatu loloto i o latou uiga, o se aga masani o le a matua fesoasoani i sui auai ao latou amata ai ona savalia le ala o auunaga. I le ta'ialaina ai o le latou su'esu'ega, e tatau i le ta'iala ona matua ave le faamamafa i le mataupu faatatau i le malamalamaaga.

O lo o i totonu o Tusitusiga Baha'i ni uiga loloto moni faaleagaga, ma e tusa lava pe tatou te taumafai ina ia auiluma lo tatou malamalamaaga i o latou uiga lē gata mai, ua tatou iloa e le mafai lava ona tatou ausia se i'uga mautinoa. E masani lava ona tatou maua se malamalamaaga lautele faigofie o se fuaitau pe a tatou faitauina mo le uluai taimi, ma o le Vaega 1 o le iunite o lo o amata mai ai lenei faiga. I le mae'a faitauina o le upusii, "O le faaleleia o le lalolagi e mafai ona ausia i galuega lelei ma le mama, atoa ma amioga tauleleia ma le viia", o lo o fesiligia ai sui auai, "E faapefea ona ausia le faaleleia o le lalolagi?" I se vaaiga, e foliga mai ai e matua faigofie le tele o ituaiga fesili ma gaoiga faapenei. Ae mai le tele o tausaga o tomai ma iloa ua faamaonia ai le faaiuga a le Polokalame Faalea'oa'oga i lenei faiga. E manaomia foi e tatou uma ona faamanatu i lona faavavevaveina e sue faavae o le uiga moni o se fuaitau, e le tatau ona le amanaia e le mafaufaui lona uiga manino. O le faatauaina o lenei tulaga muamua o le malamalamaaga ua faamaonia mai le taua tele i feutagaiga a le kulupu; e faamalosi le aufaatasiga o manatu, lea e faigofie lava ona ausia pe a faatagaina le poto Faalelagi e faapupulaina manatu faa-le-tagata.

E taua foi mo le silafia, o le ausiaina o lenei vaega muamua o le malamalamaaga, e le tatau ona faaumiumi ai ni felafolafoa'iga i le uiga o upu taitasi, e ese mai le mataupu o lo o su'esu'eina. I le talanoaina ai o lenei vaega, masalo e ono talafeagai, i nisi o taimi, mo se kulupu ona sue se upu e faaaogaina ai le lolomi fefiloi. Ae e sili atu mo sui auai ona aoga le talanoaina atoa o le fuaiupu po o le parakalafa foi ina ia malamalama ai i le uiga o le upu.

Ina ia faalauteleina le malamalamaaga i ona talaatu o faauigaga vavevave, o le a fesoasoani ni faata'ita'iga e faailoa ai pe faapefea e ni aitia ona maua ai ni manatunatuga mautu. Na pau lava le mea e manaomia i lenei itu o galuega tuusao. I le Vaega 2, mo se faata'ita'iga, o loo faatonuina ai sui auai ina ia filifili, e tusa ma le malamalamaaga i le fuaitau sa o latou faitauina, pe faamata e ta'uleleia nisi o uiga. I se tasi o galuega e tai tutusa lava o loo i le Vaega 4, o loo faamalosiaina ai i latou ia tusi atu ni uiga ma amioga viia se lima ona filifili lea pe faamata e alagatatau ona mauaina se tasi o nei uiga e aunoa ma le faamaoni – e pei ona faamatalaina mai i Tusitusiga o le “faavae lea o uiga lelei uma faaletagata soifua”.

Ina ia ausia lona faamoemoega, o lo o manaomia i lenei iunite se malamalamaaga sili atu e ala lea i le lu'itauina o ona sui auai e mafafau i nisi o aafiaga o fuaitau o loo tuuina mai. I le Vaega 2, o lo o moomia ai le taga'i o sui auai ma filifili pe faamata e moni le faamatalaga lenei, “E toaititi lava tagata lelei i le lalolagi e leai ni aafiaga o a latou gaioga”. I lea tulaga, ua le na o le faatupuina o ni manatu. Ae e tatau i le taiala ona vasa'i foe ae fesiligia le mafuaaga o tali a sui auai. E tatau ona sese le faamatalaga ona e fete'ena ma le uluai upusii o lo o i le vaega na faato'a mae'a atu, le faaiuga e tatau ona oo iai le soalaupulega a le kulupu. O le fesili pe faamata e mafai e tagata Baha'i ona ta'uta'u a latou agasala o se isi lea faata'ita'iga o nei ituaiga galuega. E faasino i le faasaina ona ta'uta'u sese e avea ma se faiga e faamagaloina ai agasala, o se vaega, e le o ta'ua manino mai i so o se fuaitau na su'esu'eina, ma e mafai ona maua mai pe a su'esu'eina le uiga o le fuaitau, “Ia faamauiina au galuega i aso ta'itasi a o le'i valaauina oe i le su'esu'ega”.

E leai lava se faamoemoega o galuega o loo i lenei iunite e aofaiina uiga eseese o loo faailoaina mai i fuaitau o loo iloiloaina. E tasi lava le fesili e tatau ona tomanatu loloto iai taiala uma, po o le a le tele o se soalaupulega e tatau ona faatinoina mo so o se galuega e tuuina mai. I lenei faiga, e taua tele le manatu o le faaumiumi o felafolafoa'iga e ala i le faaofiina mai o ni manatu fesoata'i ae mamao ma le mataupu o loo talanoaina o le a fa'aitiitia ai se aafiaga o le tusi. E tatau i kulupu uma ona faataatia se faiga talafeagai ma sologa lelei o lo latou agai i luma; e tatau i sui auai o lo o siitia ma auiluma lo latou atamai e tusa ma lo latou mafai. Ae ui i lea, e tatau lava i le taiala ona mataala, ne'i su'esu'e faatelevave ma papa'u vaega taitasi e aunoa ma se auililiga loloto o galuega; e iloa gofie lava kulupu e soona faanatinati ona faatumu tali, e lē mafai lava ona maua ni i'uga tumau.

O le tasi o manatu mulimuli e tatau lava ona faailoaina: E pa'ū lava i luga o le taiala e faamautinoa o tagata uma o le kulupu o lo o faatumauina lona auai i le faagasologa o le a'oa'oina o lo o faafaiileina e le tusi. O le faaosofia o le auai e aunoa ma le faamalosi o se sui e tautala e masani ona avea ma luitau e tupu pea. Ae o le mea e ao ona iloa mai lava ile amataga o lenei luitau e seasea tupu pe a faapea e fesiligia i ni fesili faapea, “O lea le uiga o lenei mea ia te oe?” O nei ituaiga fesili e mafai ona faaitiitia ai le iloa ma le uiga moni i le tulaga o manatu faaalua. Ma o le a faapena ona faamaonia ai le faigata ona fausia se si'osi'omaga e mafai ai i soalaupulega a sui auai o le kulupu ona faatuputupulaia ai lo latou malamalamaaga.

O le iunite lona lua o le tusi, e pei o le iunite muamua, e faatatau i aga masani e taua i se olaga faaleagaga: o le tatalo faifaipea. O lo o matua manino mai lava i le vaega muamua le autu o le “ala o auunaga”, o lo o fautua mai ai, i le savalia o lenei ala, e tatau ona faaofuina i tatou i se faamoemoega sautualua. O se ulua'i seti o fuaitau e su'esu'eina e sui auai o lo o

aumaia ai ni a'oa'oga faatatau i le netia o lenei faamoemoega, o se autu o le a faalauteleina mai i nisi o tusi i le lumanai.

I tua atu o lenei autu o le a vaiilili ai e le iunite le taua o le tatalo. O lo o faaaogaina ai se faiga e faapei ona faamatalaina i parakalafa ua maea. O fesili ma galuega o lo o fausia ina ia auiluma le malamalamaaga i uiga o fuaitau mai Tusitusiga o lo o su'esu'eina. A'o aga'i pea i luma le kulupu i lenei iunite, e tatau ai i le ta'iala ona taumafai ina ia soloia ni lagona lē mautonu e ala i le su'esu'eina lelei o le afuaaga mai o nei faauigaga sese ma faiga o aso ua mavae. I nisi aganuu, o aga ma faiga masani ua faapena lava ona punitia ai le taua o le tulaga faaleagaga, ma ua faatalalē le toatele i le taua o le tatalo, lea, mo le agaga o le tagata soifua, e leai sona eseese ma le moomia e o tatou tino o meaai mo se malosiaga fou.

E sili atu i mea uma lava, o lo o tausinio lenei iunite e toe fafagu ma faaosofia ai sui auai i se agaga naunauta'i e "talanoa ma le Atua" ma ia faalatalata atu ia te Ia. E aofia i manatu o lo o talanoaina vaega nei, o le ā le uiga o le ulu atu i se agaga tatalo, o ā uiga moomia o le loto ma le mafaufau pe a tatalo, aemaise foi o itu moomia e tatau ona fausia ai o tatou si'osi'omaga tatalo, tusa po o le ta'ito'atasi po o se faatasiga foi. E moni, i le mae'a ai ona tomanatu i malosiaga e manu a'e mai tapuaiga fai faatasi, ua faatalosagaina ai sui auai e mafaufau e ofoina se mafutaga mo tatalo.

O le su'esu'eina o le iunite lona tolu o le tusi, "Ola ma le Oti", o lo o faamoemoe, e faamalosiaina le naunauta'iga e savalia le ala o auaunaga ma faaofuina i se uiga sili atu ona loloto. O auaunaga i le lalolagi nei, e tatau ona iloa ma le mautinoa o le a faapena lava ona sopo atu pe a mavae le ola, ma o le a faaauau pea e faavavau a'o aga'i atu o tatou agaga i lalolagi uma a le Atua. O se a'oa'oga lelei, e ese mai nai lō le maua o tomai faigofie, e tatau i ē o su'esu'e ona matuā iloa lelei ma le mautinoa le uiga ma le tāua o lā latou matafaioi. Ao tuputupu ae lea lagona, o le a faapena ona vaaia lō latou galulue filifiligā, o i latou lava o "pule" faatuatuaina o lō latou a'oa'oina, ae lē ua na o nisi e talia faamatalaga e maua mai i o latou ta'iala.

E tomua lava vaega ta'itasi o le iunite i se fuaitau se tasi pe tolu mai Tusitusiga Baha'i, mulimuli mai ai ma ni nai galuega. O le gagana o fuaitau o lo o sii mai i lenei iunite e sili atu ona faigata nai lō isi vaega e lua ua mae'a atu. E lē taua foi mo le kulupu ona soona tele se taimi e faaaluina i upu faigata; ae ao i le taijala ona mautinoa ua malamalama tagata uma i le manatu autu o lo o talanoaina mai nei fuaitau taitasi, aua o le autu lena o lo o taumafai lenei a'oga e faaalua.

Talu ai ona o le netia o lenei mataupu, o galuega faatino e aofia ai ni faata'ita'iga maumaututu ae e itiiti lava ma e valavala mamao foi. O le toatele e mafuli lava le faatinoina o galuega i se tulaga faatusatusa faa-le-maufaufau. Ae o le vaega e tatau ona maitauina, o nisi o fesili e tuuina mai i nei galuega e lē mafai ona taliina faavavevave pe tali tuusao foi. O lo latou faalauiloaina mai e faalautele ai le malamalamaaga e uiga i le mataupu; peafai nao le mafaufau lava o sui auai i ia ituaiga fesili, o le faamoemoe o le a'oa'oina o le a faataunuuna.

O nisi o vaega tomua e taulai atu i le sootaga i le va o le agaga ma le tino, lea, pe a tuufaatasi, e fausia ai le tagata soifua i totonu o lenei laasaga o le olaga. O le manatu tutotonu o loo tuuina mai i nei vaega o le agaga e le o se vaega faaletino; o lona sootaga ma le tino e

mafai ona faatusaina i le malamalama o lo o faaatagia mai le faata. E le mafai e le pefu o lo o ufitia ai lona laualuga po o le faaleagaga foi o le fa'ata ona aafia ai le susulu o le malamalama lava ia. O le oti, ua na o se suiga i le tulaga, pe a matalatala sootaga i le va o le tino ma le agaga; ae mulimuli ane, o le agaga o le a auiluma e faavavau i lona Mataisau.

Ona liliu ane ai lea o le iunite i le fesili faatatau i le sini autu o le ola--ia iloa le Atua ma ia maua Lona faatasi mai. O lo o 'auga soalaupulega i le vaega lenei i ni autu lautele se lua. O le autu muamua o le sini autu o o tatou ola i lenei lalolagi, ma le lona lua o le faigamalaga a le agaga pe a mavae le oti. O le agaga o le faailoga o le Atua ma e mafai ona faaatagia mai ai Ona ta'u ma suafa uma. Ae peitai o le malosiaga i totonu o le tagata soifua o lo o natia; faatoa mafai lava ona atina'eina e ala i le fesoasoani a Faifa'aaliga a le Atua, o na Tagata faapa'iaina E auina mai i lea taimi i lea taimi e ta'ita'ia tagata soifua. E ala i a'oa'oga faaleagaga ua Latou tuuina mai, o le a mafai ai ona faaalua maataua o lo o natia i ai tatou.

Mo le faigamalaga a le agaga pe a mavae le oti, ua folasia atu se faasologa o aitia e mafaufau loloto i ai sui auai; o i latou e faamaoni i le Atua o le a mauaina le fiafia moni; e leai se tasi o i tatou e mafai ona iloa lo tatou i'uga ma, o lea la, e tataua ai ona tatou fefaamagaloa'i le tasi i le tasi ma aua nei o tatou faapea ane ua sili atu tatou nai lo isi; aua i le isi lalolagi, e pei o lenei, o le a faaauau pea ona auiluma le agaga ma o malosiaga faaleagaga o le a o tatou atina'eina i le lalolagi nei o le a fesoasoani ma tautoaluaina i tatou i lona lalolagi; o le a tatou iloa ē pele ia i tatou i le isi lalolagi, o le a manatua o tatou olaga i le lalolagi nei, ma o le a tatou mafuta fiafia ai ma agaga faapa'iaina ma le mama.

E faai'uina le iunite i se fuaitau mai Tusitusiga a Baha'u'llah lea o lo o faamautinoaina ai i tatou i faamanuiaga o le isi lalolagi ma o lo o tima'i mai ai foi ina ia aua nei faatagaina ni suiga ma avanoa o lenei olaga e aumaia le faanoanoa ia i tatou. O lea la, ua fautuaina ai sui auai e tomanatu, i luga o aafiaga o mea na o latou su'esu'eina mo o latou lava olaga.



Malamalama'aga i Tusitusiga Bahá'í

Faamoemoega

Ina ia fa'amalosia le aga masani o le faitauina
o tusitusiga mai Tusitusiga Paia i aso uma
ma tomanatu loloto i o latou uiga

VAEGA 1

O le fa'amoemoe o lenei vaega o le fesoasoani lea ia te oe e atina'e ma faamalosi se aga masani o le faitau mai Tusitusiga Pa'ia i aso uma ma tomanatu i o latou uiga. O le a e amata i se vaega faigofie, e ala i lou faitauina o se fuaitau e tasi le fuaiupu mai Tusitusiga ma e talia se fesili, ma o le tali e te maua mai lava i le fuaitau. E ui lava ina faigofie lona faatinoina, ae o le a fesoasoani ia te oe lenei faiga ia tomanatu ai i uiga o nei fuaitau ma taulotoina ai i latou.

“O le faaleleia o le lalolagi e mafai ona ausia i galuega lelei ma le mama, atoa ma amioga ta'uleleia ma le viia.”¹

1. E faapefea ona ausia le faaleleia o le lalolagi?

“Ia faaeteete tagata e o Bahá, ina ne'i outou savavali atu i auala o tagata e lē o gatasi a latou upu ma a latou faiga.”²

2. O auala o ai e lē tatau ona tatou savavali ai?

“Le Atali'i e, o le Tagata! Ia faamauina au gaiioiga i aso ta'itasi a'o le i vala'auina oe i le su'esu'ega.”³

3. O le a le mea e ao ona tatou faia a'o le'i vala'auina i tatou i le su'esu'ega?

“Fai atu, le 'au uso e! Avea galuega ae le o upu ma outou pale.”⁴

4. O a mea e tatau ona avea ma o tatou pale?

“O upu pa'ia ma gaiioiga mama ma le lelei e alu a'e ai i le lagi o le mamalu faalelagi.”⁵

5. O a mea e faia e upu paia ma gaiioiga mama ma le lelei?

VAEGA 2

O lo'o i lalo ifo nisi o galuega e faatatau i le fuaitau sa e su'esu'eina. O nisi o fesili e fesoasoani lea ia te oe e tomanatu atili ai i le taua o le fuaitau i totonu o le kulupu ma e lē tatau ona faanatinatia. O lona uiga e le o galuega uma e mana'omia i ai se talanoaga telē. Peitai, afai e faigata tele le galuega, o le a fesoasoani le ta'iala o le kulupu ia te oe i le su'esu'eina auiliili o le mataupu.

1. A “ta’uleleia” se mea, e tatau ona viia. O fea o uiga o lo o i lalo e ta’uleleia?

_____ O le avea ma se tagata galue lelei

_____ O le faaaloalo i isi tagata

_____ O le atamai

_____ O le pepelo

_____ O le faapaie

_____ O le auauna atu i isi

2. O le a le uiga o le fuaitau “valaauina oe i le su’esu’ega”?

3. O fea o fa’amatalaga o lo o mulimuli mai e moni?

_____ E to’aititi lava nai tagata lelei i le lalolagi e leai se a’afiaga tele o a latou gaioiga.

_____ E sa’o se fa’aiuga pe afai e o gatasi le fa’aiuga ma manatu o isi tagata.

_____ E sa’o se fa’aiuga pe afai e o gatasi lea faaiuga ma a’oa’oga a le Atua.

4. O le fea o tulaga o ta’ua i lalo o gaioiga lelei ma le mama?

_____ Tausi lelei ma le a’oa’oina o tamaiti

_____ Gaoi

_____ Tatalo mo le auiluma o isi

_____ Fai sina pepelo e fa’asaoina mai ai i se fa’afitauli

_____ Fesoasoani mo isi ma le faamoemoe i se tau

5. O fea o tulaga o lo'o i lalo e eseese ai galuega a tagata mai a latou upu e fai

_____ O se tagata e tautala i le tausia o le afaatasiga ae faia amioga e ala atu i fete'enaiga e le tusa ai ma ana upu.

- _____ O se tagata e lauga i le taua o le ola mama ae faia so'otaga fa'afeusuaiga i fafo ane o lona aiga.
- _____ O se tagata e inu ava i aso ta'itasi, a'o ta'utino atu e mulimuli i mau fa'aletapuaiga mo le fa'asāina o le inu ava.
- _____ O se tagata faipisinisi e lagolagoina le aia tutusa o tamā ma tama'ita'i ae itiiti le totogi e ave i Tama'ita'i nai lo o tamā i le galuega e tasi.

6. E faatagaina se Baha'i ona fai sana kofesio i se isi tagata? _____
7. O le a le gaioiga e tatau ona tatou fa'atinoina nai lo le faia o se ta'utinoga?

8. O le a le uiga o le fuaitau o le "lagi o mamalu faalelagi"?

9. O le a se aafiaga o le lalolagi ona o uiga ma amioga leaga?

10. O le a se aafiaga o amioga leaga i luga o i latou e faia nei amioga?

VAEGA 3

Faitau ma tomanatu i upusi'i mai Tusitusiga o lo o mulimuli mai. Ona taumafai lea e taulotoina.

“O le molimau i mea moni o le faavae lea o uiga lelei uma faaletagata.”⁶

1. O le a le faavae o uiga lelei uma faaletagata? _____

“Afai e aunoa ma le tautala faamaoni, o le a le mafai lava ona maua e so'o se tasi le auiluma manuia ma faamanuiaga i lalolagi uma a le Atua.”⁷

2. O le a le mea e le mafai ona maua pe a aunoa ma le tautala faamaoni?

“Tagata e, faamatagofieina outou laulaufaiva i le faamaoni, ma ia faapaleina outou agaga i teuga o le faamaoni.”⁸

3. E faamatagofie i le a o tatou laulaufaiva? _____

4. O a teuga e tatau ona faapaleina ai o tatou agaga? _____

“Ia faapa’iaina ou mata, ia faatuatuaina ou lima, ia molimau i mea moni lou laulaufaiva, ma ia faapupulaina lou loto.”⁹

5. Ia faapefea o tatou mata? _____ O tatou lima? _____

O tatou laulaufaiva? _____ O tatou loto? _____

“O i latou o nonofo i le tapeneko o le Atua, ma ua faavaeina i luga o nofoa o le mamalu faavavau, o le a latou matua faafitia lava, tusa lava pe latou te feoti i le matelaina, le faaloloaina atu o latou lima e faoina mai i ni ala e le tusa ma le tulafono mea totino a o latou tua’oi, tusa lava po o le faatauva ma le leai se aoga o ia te ia.”¹⁰

6. O le a le mea e tatau ona tatou mumusu e fai tusa lava pe o le a tatou matelaina i le fia 'a'ai?

VAEGA 4

Atonu ua e maitauina i le Vaega 2, o nisi o galuega i totonu o lenei vaega e fa'amanino mai ai tali. I tulaga fa'apena, pe afai e le mautonu i se tali sa'o, e mafai ona fesoasoani le ta'iala i le kulupu ma sui auai e ausia le aufaatasiga o manatu ma faasoa. Ae mo isi gaioiga, e taua tele ai felafolafoa'iga, ma e leai se tali fa'apitoa e fa'amoemoeina. I gaioiga o lo'o i lalo, o le galuega 3 o lo o aofia i le ituaiga muamua, a'o le galuega 6 e pa'u i le vaega lona lua.

1. O le tautala faamaoni o le faavae lea o amioga lelei uma faaletagata. Tusi mai ni uiga lelei se lima:

2. E mafai ona tatou maua nei uiga lelei e aunoa ma le tautala faamaoni?

3. O le fea o fuaiupu nei e moni?

_____ E mafai lava ona amiotonu le tagata tusa pe pepelo.

_____ O le tagata gaoi e faatuatuaina ona lima.

_____ O lima faatuatuaina e lē tagovale.

_____ O le matamata i ata lē talafeagai e fete'ena'i ma le poloaiga a Bahá'u'lláh ina ia fa'apaiaina ou mata.

_____ O le tautala fa'amaoni o le aua lea e te pepelo.

_____ O le fa'amaoni o le teuga lea o le agaga.

_____ O le tagata e lē fa'amaoni e mafai ona auiluma faaleagaga.

_____ E lelei le pepelo mai lea taimi i lea taimi.

_____ E talia lava e le Atua lou gaoi pe afai ua e matelāina i le fiaai.

_____ A ave se mea e aunoa ma le fa'atanaga mai lē ana, ma manatu o le a tatou toe fa'afo'i mulimuli ane, e le o se gaoi.

_____ E faapupulaina o tatou loto pe a tatou galulue ma le faamaoni, ma fai mea tonu ma le sa'o.

_____ E lē mafai ona manuia se pisinisi pe a aunoa ma sina faiga pi'opi'o.

4. Faamata e mafai ona tatou pepelo ia i tatou lava? _____

5. O a mea o le a tatou le maua pe afai tatou te pepelo? _____

6. O le a se vaaiga i le lalolagi peafai tatou te tautala sa'o ma faamaoni uma?

VAEGA 5

Faitau i fuaitau o lo'o mulimuli mai ma taumafai e taulotoina. O se faamanuiaga tele lou taulotoina o fuaitau mai Tusitusiga, ma e tataua ona tatou filifiligā e faatinoina. Atonu e le o tagata uma, e ono mafai ona latou taulotoina ma le faigofie nei fuaitau. Ae ui i lea, o le fai o se taumafaiga, o le a fesoasoani i ai tatou e vaneina nei manatu i o tatou loto ma mafaufau ma faaatagia atu i latou i upu tau latalata i le ulua'i tusitusiga i se mafai e gata ai.

“O se laulaufaiva agalelei, o se maafaafae lava i loto o tagata. O lena tonu lava le areto o le agaga, na te faa’ofuina upu i uiga, o le puna lava o le pupula o le potoma le malamalamaaga.”¹¹

1. E faapefea ona faamatalaina se laulaufaiva agalelei?

2. O le a se a’afiaga o upu ona o le laulaufaiva agalelei?

“Le au pele e a le Alii! I totonu o lenei Tisipenisiona paia, e leai se atamai e toe faatagaina ai fetauaiga ma fevaevaeaiga. Soo se tagata faatupu faalavelave lava, o loo ia faamativaina ia lava i le alofa tunoa o le Atua.”¹²

3. E tusa ai ma le fuaitau o i luga, o le a le mea ua matua faasaina i totonu o lenei Tisipenisiona?

4. O le a le mea a le tagata faatupu faalavelave e faia ia te ia lava?

“E leai lava se tasi mea e mafai ai e pele a le Atua i lenei Aso ona faaee atu i luga o lenei Fuata’iga se leaga sili atu na i lo finauga ma taua, fefinaua’iga, fevaevaea’iga ma le faapalapala.”¹³

5. O a ni tulaga e ono faaeeina atu i luga o le Fuataiga a le Atua se leaga sili atu?

“Ia le na o upu e fa’aatagia atu ai lou agaga faauo, a ia faamuina lou loto i le alofa agalelei mo i latou uma tou te fetaia’i i lou ala...”¹⁴

6. O a ituaiga faauo e le tatau ona faamalieina ai i tatou?

7. O le a le mea e tatau ona mumu tele io tatou loto?

“Pe a oo mai manatu fia siitaua, ia e teena i se lagona malosi o le filemu. O se lagona feitaga’i ia matua soloia e le malosi sili atu o le manatu alofa.”¹⁵

8. O le a le mea e teena ai le manatu fia siitaua?

9. O le a le mea e soloia ai se lagona feitaga’i?

VAEGA 6

A’o manatunatu ai i fuaitau o lo’o i luga, fa’atino galuega o lo’o mulimuli mai:

1. O le “maafaafae” o le tasi lea upu mo le maneta. E faapefea ona galue le laulaufaiva agalelei e pei o se maafaafae? _____

2. O fea o fa’amatalaga o mulimuli mai e puaina mai se laulaufaiva agalelei?

_____ “Soia e te faalavelave soo mai ia te a’u!”

_____ “Aisea ea e te saga le malamalama ai lava?”

_____ “E mafai ona e faatali la’ititi faamolemole?”

_____ “Nei tamaiti leaga!”

_____ “Faafetai tele lava, e ese lou agalelei.”

_____ “Ou te le o avanoa i le taimi nei. O loo pisi tele a’u.”

3. O fea o faamatalaga o lo’o mulimuli mai o lo o atagia mai ai ni fete’ena’iga ma finauga?

_____ Eseese manatu fa’aalia o tagata e to’alua i le taimi o felafolafoa’iga.

_____ O le faia lea o amioga le talafeagai i tagata se to’alua e pei o le feita ma fufusu i taimi o felafolafoa’iga.

_____ O ni tagata se to’alua ua le toe auai i fono tatalo i vaiaso uma ona e le o fetautalaa’i.

_____ O sui o se kulupu o loo galulue feoeoea’i i se poloketi o lo o faitio faifaipea, ma faapea mai o isi sui e le o faatinoina o latou tiute.

4. O fea o faamatalaga o lo’o mulimuli mai e faaalua ai faailoga o le faatagataeseaina?

_____ O ni uo se toalua sa fepasia’i i luga o le ala ae e leo ano ifo le isi i le tasi.

_____ Ua taunuu se tasi uo i le mafutaga tatalo, ma ua faafeiloa'ia e tagata uma sa auai i le agaga mafanafana.

_____ E toalua sui o se kulupu o loo musuā e auai faatasi i se poloketi, e ui ina faaaloalo le tasi i le isi.

5. Filifili po'o fea o fa'amatalaga o lo'o mulimuli mai e moni:

_____ E tatau lava ona faaali sa'o ou lagona e uiga i isi tagata tusa lava pe faamanu'alia ai o latou loto.

_____ E mafai lava ona e pepelo e alofia ai se fete'ena'iga.

_____ O fete'ena'iga e foia e le alofa ma le agalelei.

_____ O upu e tele lona aafiaga pe a fai ma le alofa.

_____ E mafai ona e fusu ma le isi pe afai o ia na amataina.

_____ E iai le aia tatau i le tagata e otegia ai isi tagata a'o lo o ma'i po o fa'anoanoa.

_____ E le o se mea lelei le taliē i isi pe a faia se mea sese.

_____ Afai e tulai mai se feeseesea'iga i se va o se uo, e tatau ia i laua uma ona taumafai e foia ma ia toe maua le mafutaga mafana.

_____ Afai e tulai mai se feeseesea'iga i se va o se uo, ia taufai faatalitali po o ai e muamua taumafai e faalelei.

VAEGA 7

Faitau ma tauloto upusi'i o lo'o i lalo.

“... aua e pei ona tapeina e le taumuimui le malamalama o le loto, e faapea foi ona tineia le ola o le agaga ”¹⁶

“Aua le manava atu i agasala a isi aua o oe foi o le tagata agasala.”¹⁷

“Ia le tautala atu i se leaga ina ia e le faalogoina o tautalaina mai ia te oe, ma ia le faalau'iteleina sese o isi ina ia le faatinoina ai le leaga tele o ou lava sese. . .”¹⁸

“Le Atalii e, o le Tagata! Ua faapefea ona galo ia te oe ou lava sese ma ua e vevesi ai i sese o isi?”¹⁹

1. O le a se a'afiaga o le tagata taumuimui ona o le tautala atu fua i leaga o isi?

2. O le a se mea e tatau ona tatou iloa a'o le'i mafaufau i sese o isi?

3. O le a le mea e tupu iā i tatou pe afai tatou te faalaua'iteleina sese o isi?

4. O le a se mea e tatau ona tatou manatua pe a tatou manatunatu i leaga o isi?

VAEGA 8

I le tomanatu ai i upusii o loo i luga, faatino le galuega o lo o mulimuli mai:

1. O le a se a'afiaga o le auiluma o le agaga o le tagata e manatu i sese o isi?

2. O le a se a'afiaga o le faalapopotoga talu le taumuimui?

3. O le a le mea e tatau ona e faia pe a amata ona talanoa atu se tasi ia te oe e uiga i sese ma leaga o isi tagata?

4. Filifili po o le fea o faamatalaga o lo o i lalo e moni:

_____ E le o se taumuimui pe afai e sa'o a tatou tala e uiga i 'aleu o le tagata lea tatou te talanoaina.

_____ E le o se taumuimui fo'i pe afai tatou te talanoaina leaga o lea tagata ma ona lelei i le taimi e tasi.

_____ O le taumuimui ma le faitatala pei o se vaega o la tatou aganuu, ma ua tatau ai ona tatou taumafai malosi e a'oa'o ina tagata ina ia tu'u nei ma tu'u loa.

_____ Afai e ta'utino mai e lē o loo faalogologo na te le tautala i se upu e tasi o a tatou muimuiga nei e fai e uiga i le isi tagata, e leai la se afaina o le taumuimui.

_____ O le taumuimui o se tasi o fili mata'utia e lepeti ai le aufaatasiga.

_____ Afai ua suamalie ia i tatou le talanoa e uiga i isi tagata i taimi uma, ua tatou i ai nei i se tulaga mata'utia ona ua tatou a'afia i le taumuimui.

_____ Afai tatou te talanoaina i le fono a le Fono Fa'aleagaga Tau Nu'u agava'a o tagata eseese mo le tofiaina i komiti ma isi tiute lona uiga ua tatou taumuimui.

- _____ Afai e faaososoina i tatou e taumuimui, e tatau ona tatou mafaufau ifo i o tatou lava sēsē.
- _____ Afai tatou te iloa se gaioiga sēsē a se tasi ua fai e afaina ai le Fa'alapotopotoga, ia talanoaina loa e tagata o le faalapotopotoga.
- _____ Afai tatou te iloa se gaioiga sēsē a se tasi ua fai e afaina ai le faatuatuga poo le faalapotopotoga e tatau loa ona logo le Fono Faaleagaga Tau Nu'u.
- _____ E lē afaina le talatalanoa to'alua o le ulugalii i leaga o isi tagata auā e leai ni mea faalilolilo i le va o ulugalii.

VAEGA 9

O le faamoemoe o leni iunite, e pei ona ta'ua i le amataga, o le fesoasoani atu lea i sui auai i a latou taumafaiga e atina'e ma faamalosi se masaniga o le faitau o fuaitau mai Tusitusiga Pa'ia i aso uma ma tomanatu i o latou uiga. O le faitauina o fuaitau a le Atua i taeao uma ma afiafi o se a'oa'oga a Bahá'u'lláh e talafeagai ma lo tatou atina'ega faaleagaga. O le fuaitau o lo o mulimuli mai o lo' o faamanatu mai ia te i tatou faamanuiaga tatou te maua mai le faataunuaina o leni tiute, ma ua faalaeiauina oe e teufatuina i lou mafaufau:

“Ia outou totofu ia i le vasa o A'u upu, ina ia outou iloa ai ona uiga lilo, ma maua ai penina uma o le poto o lo o taatitia lafita'i ai i lona alitai.”²⁰

I le mae'a ai o leni iunite, ua alagatatau nei ona e taulimaina se tusi o Tusitusiga a Baha'u'lláh e te faitau ai i aso taitasi. O le Upu Lilo a Baha'u'llah le tasi tusi talafeagai lelei e te amata ai.

O TUSI SA FAAOGA

1. Bahá'u'lláh, cited by Shoghi Effendi, *The Advent of Divine Justice* (Wilmette: Bahá'í Publishing Trust, 2006, 2018 printing), par. 39, pp. 36–37.
2. *Tuufaatasia o Tusitusiga Pa'ia a Bahá'u'lláh* (Wilmette: Bahá'í Publishing Trust, 1983, 2017 printing), CXXXIX, par. 8, p. 345.
3. Bahá'u'lláh, *O le Upu Lilo a Baha'u'llah* (Wilmette: Bahá'í Publishing Trust, 2003, 2012 printing), Arabic no. 31, p. 11.
4. Ibid., Persian no. 5, p. 24.
5. Ibid., Persian no. 69, p. 46.
6. 'Abdu'l-Bahá, cited by Shoghi Effendi, *The Advent of Divine Justice*, par. 40, p. 39.
7. Ibid.
8. *Tuufaatasiga o Tusitusiga a Bahá'u'lláh*, CXXXVII, par. 6, p. 336.
9. *Tapeleti a Baha'u'llah sa Faaalia mai i le maea ai o le Tusi Paia*, (Wilmette: Baha'i Publishing Trust, 1988, 2005 printing), no. 9.5, p. 138.
10. *Tuufaatasiga o Tusitusiga a Bahá'u'lláh*, CXXXVII, par. 3, p. 338.
11. Ibid., CXXXII, par. 5, p. 327
12. *Mavaega ma le Tautinoga a "Abdu'l-Bahá* (Wilmette: Baha'i Publishing Trust, 1944, 2013 printing), p. 26.
13. *Tuufaatasiga o Tusitusiga a Bahá'u'lláh*, V, par. 5, p. 8
14. From a talk given on 16 and 17 October 1911, published in *Paris Talks: Addresses Given by 'Abdu'l-Bahá in 1911* (Wilmette: Baha'i Publishing, 2006, 2016 printing), no. 1.7, p. 6.
15. From a talk given by 'Abdu'l-Bahá on 21 October 1911, *ibid.*, no. 6.7, p. 22.
16. *Tuufaatasiga o Tusitusiga a Bahá'u'lláh*, CXXV, par. 3, p. 300.
17. *O le Upu Lilo*, Arapi nu. 27, p. 10.
18. Ibid., Peresia nu. 44, p. 37.
19. Ibid., Arapi nu. 26, p. 10.
20. *Tuufaatasiga o Tusitusiga a Bahá'u'lláh*, LXX, par. 2, p. 154



Tatalo

Faamoemoega

Ina ia tomanatu i le taua o le tatalo ma uunaia le aga masani o le tatalo faifaipea

VAEGA 1

O mataupu o le Polokalame Faalea'oa'oga o le Ruhi ua fuafuaina e fesoasoani i sui auai e savalia se ala mo auunaga. O loo tatou savalia lenei ala e uunaiaina e se faamoemoega sautualua--ina ia ola faaleagaga ma faalemafauau ma fai saofaga atu ai i le suiga o sosaiete. O nei vaega taua e lua o lo tatou faamoemoega e lē mafai ona tuueseeseina le isi mai le tasi. O lo o apoapoa'i mai Bahá'u'lláh ia i tatou i se tasi o fuaitau.

“Aua nei faalavelavea outou i o outou lava manatu; ia taulai atu o outou mafauauga i le mea o le a toe fafo'isia ai le lelei o manuia o tagata soifua ma faapa'iaina ai loto ma agaga o tagata.”¹

I se tasi o fuaitau, ua Ia faamaninoina mai ai:

“O le faamoemoega o loo i tagata ola, mai le lē tagolima, agai le la'a atu i le malo o le ola, o lenei, o le a mafai ona latou galulue mo le faaleleia o le lalolagi ma feola faatasi i le loto malie ma le loto gatasi.”²

E faatatau i lo tatou tulaga moni i totonu, ua Ia tautino mai:

“O se loto mama a'ia'i ua faapei o se faata; ia faamamaina i le afi o le alofa ma le vavaeesea mai mea uma lava vagana le Atua, ina ia mafai ona sulugia e le la o le mea moni aemaise o le tafaota o le taeao faavavau.”³

Ma ua fetalai mai foi 'Abdu'l-Bahá ia i tatou:

“E tatau ona mama a'ia'i o outou loto ma ia faamaoni o outou faamoemoega ina ia mafai ai ona avefa outou ma tagata e taliaina faamanuiaga faalelagi.”⁴

1. O le a le mea e tatau ona taula'i i ai o tatou manatu ma lagona?

2. Mai le a le mafua'aga ua tatou laa ese mai ai mai le lē tagolima aga'i i le malo o le ola?

3. O a mea e tatau ona tatou faamamaina ai le faata o o tatou loto?

4. O a nisi o tulaga moomia e tosina mai ai faamanuiaga faalelagi?

5. E i ai se faaupuga o vaega o loo mulimuli mai e moni?

- E tatau ona e tausia muamua oe lava, ona mafai ai lea ona e tausia o isi.
- A faapea o le a e saga fesoasoani pea i isi, o le a i’u ina e faagaloina ai ou lava sini ma faamoemoega.
- O oe lava o lau uo mamae.
- O le mea pito sili ona taua o le iloia lea o le mea e maua ai lou fiafia.
- Tulituliloa ou moomooga, aua latou te ta’ita’ia oe i le fiafia.
- O le a lē afaina poo le a lava sau mea e fai, pe a faapea e lē o afaina ai se tasi.
- O le a lē afaina pe a faapito ni ou faanaunauta’iga, pe a faapea o loo e faia ni nai galuega lelei.

VAEGA 2

O se faamaoniga o loo i le ogatotonugalemu o lo tatou faamoemoega sautualua o i tatou uma sa faia i se tulaga mamalu. Ua fetalai mai Bahá’u’lláh:

“Le Atalii e, o le Agaga! Sa Ou faia oe ia tamaoaiga, aisea ua e faia ai oe ina ia e mativa? Sa Ou faia oe i le mamalu, ae mai fea lou faamaualaloina o oe? Sa Ou avatua ia te oe le ola mai le aano o le malamalama, aisea la ua e sailia ai le faamalamalamaina mai so o se tasi e ese mai ia te A’u? O le efuefu o le alofa sa Ou faia ai oe, ae ua faapefea ona e vevesi ma le isi. Liliu ifo lau vaai ia te oe lava, e mafai ai ona e iloina A’u o lo o tu i totonu ia te oe, o le malosi, mamana ma le puna-o le-ola.”⁵

O le faatumuina o avanoa o loo i lalo o le a fesoasoani ia te oe e tomanatu i lenei fuaitau.

“Le Atalii e, o le Agaga! Sa Ou faia oe ia _____, aisea ua e _____ ina ia e _____? Sa Ou _____ oe i le _____, ae mai fea lou _____ o oe? Sa Ou avatua ia te oe le ola mai le _____ o le _____, aisea la ua e _____ ai le _____ mai so o se tasi e ese mai ia te _____? O le efuefu o le _____ sa Ou _____ oe, ae ua faapefea ona e _____ ma le _____. Liliu ifo lau _____ ia _____, e mafai ai ona e iloina _____ o lo o tu i totonu ia te oe, _____, _____ ma le _____.”

Ina ia tatou faamaoni i le tulaga mamalu o o tatou agaga, e tatau ona tatou liliu atu i le Puna o lo tatou ola ma saili atu i le malamalamaaga ma ia te Ia. O se tasi o auala naunautai e ausia ai lenei mea, o le tatalo lea. Ua fetalai Shoghi Effendi, le Faatama o le Faatuatuga e faapea, o le sini autu lava o le “atina’eina lea o le tagata toatasi ma le sosaiete, e ala i le mauaina o uiga faaleagaga ma malosiaga. O le agaga o le tagata e tatau ona fafagaina muamua. Ma o lenei meaa faaleagaga e pito sili ona mauaina mai lea i le tatalo.”⁶

VAEGA 3

O le Atua le Silafia-Uma, le Poto-Uma. Sa Ia faia i tatou ma silafia le mea o loo i totonu o o tatou loto ma le mea sili mo i tatou. E le moomia e Ia a tatou talosaga. Ma aisea la tatou te tatalo ai?

Ua ta'ua e 'Abdu'l-Bahá:

“I le tatalo aupito i maualuga, e na o le alofa o le Atua e tatalo i ai tagata, e le ona ua matatau i latou ia te Ia po o seoli, po o le faamoemoe i faamanuiaga po o le lagi Aua a alofa le tagata i lona uso a tagata, e le mafai ia te ia ona taofi le ta'uta'uina o le igoa o lana manamea. E faapena foi ona matua faigata ona taofia le ta'uta'uina o le Suafa o le Atua pe a oo ina alofa le tagata ia te Ia E leai se isi mea e fialia i ai le tagata ola faaleagaga seia vagana ai le faaneeneina o le Atua.”⁷

Ma, i le tali atu i se faafesili, sa Ia faamatalaina:

“A faapea ua alofa se tasi o uo i se isi, pe le o se mea masani ea lona naunautai e faailoa mai lenei mea? E ui foi ina ia iloa ua malamalama lana uo i lona alofa, pe le tumau pea ona ia manao e faailoa atu lenei mea ia te ia?... E moni ua silafia e le Atua moomooga o tagata uma; peitai o le agaga tatalo, o se masaniga, e afua mai i le alofa o le tagata i le Atua.”⁸

1. Faauma mai fuaiupu e pei ona mulimuli mai:

- a. I le tatalo _____, e na o le _____ o le Atua e _____ ai tagata, e le ona ua matata'u i latou ia te Ia po o _____, po o le faamoemoe i _____ po o le _____.
- e. Aua a _____ le tagata i lona uso a tagata, e le _____ ia te ia ona taofi le tautauina o le _____ o lana _____. E faapena foi ona matua _____ ona taofia le _____ o le Suafa o le _____ pe a oo ina _____ le tagata ia te Ia.
- i. E leai se isi mea e _____ i ai le tagata ola faaleagaga seia vagana ai le _____ o le Atua.

2. Aisea tatou te tatalo ai? _____

3. O le a le uiga o le faaupuga “faaneeneina o le Atua”?

4. O le a se faanaunauta'iga sili o se tasi ua alofa i se isi?

5. O fea e afua mai ai le masaniga e tatalo? _____

VAEGA 4

I se tatalo sa faaalua mai e Bahá'u'lláh, sa tatou faitauina ai e faapea:

“Ou te faatoga atu ia te Oe... ia faia la’u nei tatalo o se afi e susunuina ai pupuni sa punitia ai a’u mai Lou matagofie, ma o se malamalama o le a taita’iina atu ai a’u i le vasa o Lou Faatasi mai.”

I lena lava tatalo o loo tatou augani ai i le Atua:

“Lo’u Alii e, faia la’u tatalo o se vaipuna o vai ola o le a mafai ona ou ola umi ai e pei o le umi o le a tumau ai Lau pule, ma faia ai le ta’uta’uina o Oe i lalolagi uma o Ou lalolagi.”¹⁰

1. O le a se tulaga e mafai ai ona avea le tatalo faapei o se afi? O le a le mea na te faaumatiaina?

2. Ta’u mai ni pupuni o loo ufitia ai i tatou mai le Atua:

3. Faamata e mafai ona faatusa le tatalo i se malamalama? O fea na te ta’ita’iina i ai tatou?

4. Faamata e mafai ona faatusa le tatalo i se punavai o vai ola? O le a se mea na te faaeina mai i o tatou agaga?

VAEGA 5

Faitau ma tomanatu i upu nei a ‘Abdu’l-Bahá:

“E leai se mea e sili atu ona suamalie i le lalolagi nai lo le tatalo. E tatau ona ola le tagata i le agaga tatalo. O le tulaga sili ona faamanuiaina o le agaga tatalo ma le faatauana. O le tatalo o le talatalanoa ma le Atua. O le taunuuga sili po o le tulaga e sili ona suamalie, e le o se isi mea lava vagana le talatalanoa ma le Atua. E maua ai le ola faaleagaga, e maua ai mafaufauga lelei ma lagona faalelagi, e amata ai le agaga tosina faafouina i le Malo ma faafaileleina ai manatu o le pote aupito i maua. ”¹¹

1. O le a le mea e sili ona suamalie i le lalolagi o mea vaaia? _____
2. O le a le uiga o le fuaitau “agaga tatalo”? _____
3. Ta’u mai ni amioga ma ni uiga e mafai ona maua mai ile tatalo:

4. Iloilo upusii sa suesueina i nai nei vaega ma tusi mai ni fuaiupu se lima e faatatau i le netia moni o le tatalo.
 - O le tatalo o le _____
 - O le tatalo o le _____
 - O le tatalo o le _____
 - O le tatalo o le _____
 - O le tatalo o le _____

VAEGA 6

Faitau upu a Bahá’u’lláh o loo mulimuli mai ma tomanatunatu loloto iai:

“La’u auauna e, faaleo atu ia fuaitau a le Atua na e taliaina, e pei ona faaleoina atu e i latou ua avatua faalatalata atu ia te Ia, atonu o le a mafai ai e le malie o lou leo ona tutuina lou lava loto, ma faatosina mai ai loto o tagata uma. O ai lava o le a na lagiina nei fuaitau na faaaliga mai e le Atua i le mealilo o lona afeafe, o le a le pine ona faasalalauina atu faalautele e agelu salalau solo a le Malosiuma le sasala o upu o loo manavaina atu e lona gutu, ma o le a lagaina ai le faasapotupotuvaleina o le manava a tagata amiotonu uma lava. Ui lava la ina sa i ai muamua ia te ia le le mautinoa lelei o lona aoga, ae peita’i e tusa ma le alofa tunoa na foa’ialofaina atu ia te ia o le a mafai ai ona mana’omia vave po o le teisi foi le faagaioioia o lona lava malosi i lona lava agaga. O le tulaga lena e pei ona faatulagaina mai ai mealilo o le Faaaliga a le Atua e tusa ai ma le Finagalo o Ia o Le o le Pogai o le mana ma le potu.”¹²

1. O le a le uiga o le upu “faaleoina”? _____
2. E faapefea ona tatou faaleoina afioga a le Atua? _____
3. O le a le uiga o le upu “taulotoina”? _____
4. O le a le uiga o le upu “faasalalauina”? _____

5. O le a se aafiaga o o tatou lava agaga i le mālie o o tatou leo?

6. O le a se aafiaga o loto o tagata uma i le mālie o o tatou leo?

VAEGA 7

O le a e ono manao e tauloto fuaitau o loo mulimuli mai e lua mai i se tatalo sa faaalua e Bahá'u'lláh:

“Le Atua e, Lo’u Atua! Ia le silasila i o’u faamoemoega ma a’u faiga, ae sili ona silasila i luga mo Lou finagalo sa siomia ai lagi ma le lalolagi. Ona o Lou Suafa Aupito Silisili, Oe na le Alii o atunuu uma! Ua ou manao tau lava o mea e finagalo i ai Lau Afio, ma alofa tasi i le mea e pele ia te Oe.”¹³

“E maualuga tele Lau Afio mo viiga a i latou o e ua latalata atu ia te Oe, ina ia o a’e i le lagi o Lou latalata mai, po o manulele o loto o i latou o e ua matua faamaoni ia te oe, ina ia taunuu atu i le faitotoa o Lou lotoa. Ou te molimau atu e matua sili atu ona faapaiaina Oe i luga a’e o ta’u uma ma e matua paia tele i luga a’e o igoa uma lava. E leai se Atua iina na o Oe, ole Faacaina Silisili, ole Mamalu-Uma.”¹⁴

VAEGA 8

Ua fetalai mai ‘Abdu’l-Bahá:

“Ua tuuina atu nei i auauna e tatalo atu ma sailia le fesoasoani mai le Atua, ma ia ole ma aoi atu i Lana fesoasoani. E ave a lona ma tulaga o le auauna ma o le a faamaonia e le Alii soo se mea Na te finagalo i ai, e tusa ma Lona poto silisili.”¹⁵

Ua Ia faamatalaina mai:

“E iai le aafiaga a le Agaga; o le tatalo e i ai lona aafiaga faaleagaga. O le mea lea, tatou te tatalo ai, ‘Le Atua e! Faamaloloina lenei tagata ma’i! E ono tali mai lava le Atua. E afaina pe o ai e tatalo? E tali mai le Atua i tatalo a auauna uma pe afai o lona tatalo e faanatinati. O Lona alofa mutimutivale e lautele, e le gata mai. E tali mai o Ia i tatalo a Ana auauna uma. E tali mai o Ia i le tatalo a lenei laau. E ono tatalo le laau, ‘Le Atua e! Foa’i mai le timu!’ E tali mai le Atua i le tatalo, ma ua ola le laau. E tali mai le Atua i soo se tasi.”¹⁶

E masani lava i a tatou tatalo tatou te talanoa atu ai i le Atua e faataunuuina o tatou manao. E faapea ona tatou tatalo mo lo tatou soifua maloloina faatasi ma e pele i ai tatou, tatou te tatalo mo le auiluma manuia faaleagaga ma le faaletino o o tatou aiga, ma e tatou te tatalo foi mo le ta’ita’iga. Tatou te ole atu mo le malosia, mo le faatuatua, aemaise o le faamautuina o i tatou i luga o ala o auaunaga. Pe a tatalo atu i le Atua, e tatau lava ona tatou, manatua o lo tatou faamoemoega i lenei olaga o le faatulaga lea o mea tatou te mananao iai ia

tusa ma Lona Finagalo. O le mea lea, e tatau ona tatou tatalo ia faia Lona Finagalo ma sauni e usitai iai. Afai e te teufatuina upu o loo i lalo a ‘Abdu’l-Bahá i lou mafaufau, o le a avea i latou ma se puna o le fiafia ma le mautinoa ia te oe i taimi uma:

“Outou e, o e o lo’o liliu atu o outou mata i le Atua! Moeiini o outou mata mai i mea uma lava, ae fa’apupulaina i latou tau lava o le malo le Mamalu uma lava. Fesili atu i so’o se mea tou te mana’o i ai ia tau lava o Ia; Saili atu i so’o se mea o lo’o o outou sailia mai e tau lava o Ia. I le ua na’o se va’aiga, sa Ia fa’amaligiina mai ai le selau afe o fa’amoemoega, o se tepa tasi atu sa Ia fa’amaloloina mai ai le selau afe o tagata mama’i, o se pupula fa’afuase’i sa Ia tu’uina atu ai se vai fofo i luga o manu’a uma, ma e pei o le geno o le ulu sa Ia fa’asa’olotoina mai ai loto uma mai i filifili o le fa’anoanoa ma le fa’avauvau. E faia lava e Ia e pei ona Ia faia, ma o le a ‘ea se fesoasoani o lo’o ia te’i tatou? O lo’o Ia tauaveina atu Lona lava Finagalo, e fa’atonu fo’i e Ia le mea e finagalo malie i ai o Ia. Ua tatau ai loa ia te’i tatou ona punonou ma ifo to’ele o tatou ulu i le gaua’i atu ia te Ia, ma tu’uina atu lo tatou talitonuga ia te Ia le Alii alofa Mutimutivale uma.”¹⁷

VAEGA 9

Mai vaega uma ua tatou suesueina e oo mai i le taimi nei, ua manino mai ai o le faasaga atu i le Atua e ala i le tatalo o se tulaga moomia taua tele mo le olaga faaleagaga. E ma’eu lava le suamalie pe afai e tatalo atu i le Atua pe a faato’a ala mai lava i le taeao aemaise le po a’o lei moe. O le aofai o taimi tatou te faaluina e tatalo ai i aso uma ma le aofai foi o tatalo tatou te faia e faalagolago lava i o tatou manaoga aemaise lo tatou galala faaleagaga. I tualumaga uma lava, ua mafai ona tatou filifili mai le anoanoa’i o tatalo sa faaalua mai e Bahá’u’lláh, le Báb, aemaise ‘Abdu’l-Bahá. Peitai, ua faalia mai foi e Bahá’u’lláh, tatalo faapoloaiga e tolu mo aso taitasi. Ua faapea mai Shoghi Effendi:

“E tolu tatalo faapoloaiga o le mafutaga mo aso taitasi. O le tatalo puupuu e tasi lona fuaitau e faatasi ona faitauina i le luasefulufa itula i le aoauli. O le tatalo faaleagalua e faatolu ona faitauina i le aso, i le taeao, aoauli ma le afiafi. O le tatalo umi e sili atu ona auiliili o nei tatalo e tolu e faatasi ona faitauina i le luasefulufa itula, ma so o se taimi lava e faitauina ai e le tagata i le taimi e manao i ai.

“E saoloto atoa le tagata talitonu i le filifilia o soo se tatalo o nei tatalo e tolu, peitai ua poloaia lona faitauina o se tasi o nei tatalo, ma ia faia e tusa ma ni faatonuga ua faasino mai e faitauina ai.”¹⁸

Sa ia faaauau mai lava faapea:

“O nei tatalo faapoloa’iga o le mafutaga, faatasi ma nisi o tatalo faapitoa, e pei o le Tatalo o Faamalologa, le Tapeleti a Ahmad, ua faauina e Bahá’u’lláh i se malosiaga faapitoa ma le iloga, ma e tatau ona taliaina i lena tulaga, ma ia faitauina e tagata talitonu ma le faatuatua e lē siligia ma le mautinoa, ina ia avea ma ala e ulu atu ai i se mafutaga vāvālalata ma le Atua, ma faailogaina ai i latou faatasi ma Ana tulafono ma poloa’iga.”¹⁹

O tatalo faapoloa'iga o le mafutaga e tolu sa faaalua mai e Bahá'u'lláh e faitauina taitasi. O ituaiga tatalo faalefaalapotopotoga e faaleoina ai i se faatasiga e pei o nisi o sauniga e lē faia i le Faatuatuaga Baha'i. Ua na o le Tatalo mo le Malia e faia i faatasiga faalefaalapotopotoga e pei ona tusia mai i tulafono Baha'i. E faitauina ao lei tanuina le malia e se tasi o e o loo auai, ae tutula'i ma le filemu le isi vaega o le faatasiga.

1. O le a le uiga o le upu "faapoloa'iga"?

2. E fia tatalo faapoloa'iga o le mafutaga mo aso taitasi sa faaalua mai e Bahá'u'lláh?

3. Faamata e tatau ona tatou faitauina tatalo uma e tolu o le mafutaga i aso ta'itasi?

4. A tatou filifili e fai le Tatalo Umi Faapoloaiga o le mafutaga, e faafia ona tatou taulotoina nei tatalo i aso taitasi?

5. E faafia ona fai, le Tatalo Faaleogalua o le mafutaga? _____

6. E faafia ona fai le Tatalo Puupu o le mafutaga, pe afai tatou te filifilia? _____

7. Tau mai nisi o tatalo o loo iai se malosia faapitoa:

8. Ia taulotoina le Tatalo Puupu o le mafutaga pe afai e te le i taulotoina muamua:

“Lo'u Atua e, ou te molimau atu, na faia e Lau Afio a'u ina ia iloa Oe ma tapuai atu ia te Oe. Ou te tautino atu i lenei ituala, lo'u augavale ma Lou malosi, o lo'u mativa i le ma Lou tamaoaiga.

“E leai lava se tasi Atua na o Oe, o le Fesoasoani i Puapuaga, o le Puna- o- le-Ola.”²⁰

9. O le a le mea ua tautinoina i lenei tatalo? _____

VAEGA 10

E tatau ona tatou manatua, e faaopoopo atu i faamanuiaga tatou te maua mai i le mulimulita'ia o le tulafono mo tatalo faapoloaiga aemaise o se faasiligamalosi tatou te maua mai le faitauina ai o isi tatalo e le tagata lava ia, o le a siitia foi o tatou agaga pe a tatou faalogoina tatalo o loo faitauina i faatasiga, pe toatele pe toaitiiti foi. Ua fetalai mai Bahá'u'lláh ia i tatou:

“Ia outou potopoto faatasi ma le matua olioli lava ma le fefaauoai ma lagiina fuaitau na faaalua mai e le Atua alofa mutimutivale. Pe a faia lena mea o le a tatalaina mai ai faitotoa o le poto moni i lou tagata i totonu, ma o le a lagonaina e lou agaga le faaeina atu o le lotomau ma le faatumulia o lou loto i le olioli pupula.”²¹

E maua e i tatou uma le olioli mai le malamalamaaga faapea, i le loaloa o le lalolagi, o loo faateleina i le faitau afe mafutaga tatalo o loo omai faatasi ai uo ma tuaoi e talanoa ma le Atua. Ua tusia e le Maota Aoao o le Faaamasinogatonu e faapea:

“O fono tatalo o ni avanoa ia e mafai ona ulu atu iai soo se agaga lava, ia manavaina sausau manogi faalelagi, tofo i le suamalie o le tatalo, manatunatu loloto i le Upu Foafoga, siitia ia lele a'e i luga o apaau o le agaga, ma mafuta faatasi ma le Pelesili e to'atasi. E lalagaina a'e ai lagona o mafutaga mafana ma le faatoina atu i se faamoemoe autasi, aemaise lava i ni talanoaga anoa ua faaulufiaina malosi i itu faaleagaga, e tutupu malie a'e mai taimi faapena, ma aveva ma auala e tatalaina ai le 'aai o le loto o le tagata'.”²²

Pe a oo ia i tatou le lagona e tatalo, tatou te faatali lemu mo sina taimi ina ia mafai ona faamamaina o tatou mafaufau mai i mea o lenei lalolagi. A o tatalo, e taula'i pea o tatou mafaufauga i le Atua. A uma ona fai a tatou tatalo, tatou te fifilemu mo sina taimi ma aua nei vave ona minoi atu i se isi gaioiga. E tutusa lelei lava pe a tatou faalogologo i tatalo o loo ofoina e isi i se mafutaga. I avanoa faapena, e tatou te tumau pea i le agaga tatalo ma mulimuli toto'a i upu o le tatalo, ia pei lava oi tatou o loo taulotoina le tatalo.

1. O le a le agaga e tatau ona tatou maua pe a tatou fa'apotopoto fa'atasi e faitauina fuaitau a le Atua?

2. O le a le aafiaga o le tatou omai fa'atasi ina ia faitau fuaitau a le Atua?

3. O mafutaga tatalo o ni fa'atasiga e mafai ai e so'o se agaga ona

— _____ ,

— _____ ,

- _____ ,
- _____ ,
- _____ , ma le
- _____ .

4. O a ni fa'alagona e faatupuina mai i mafutaga tatalo?

5. O le a se aafiaga o talanoaga anoa faaleagaga ia e manu malie a'e lava mai i ni mafutaga tatalo? _____

6. Tusi ni nai upu e faatatau i amioga migao ma le faaaloalo e tatau ona tatou faaalua pe a tatalo, tusa pe toatasi po o totonu foi o se faatasiga.

VAEGA 11

O le unite muamua o lenei tusi e faatatau lea i le avea o le faitauina o fuaitau mai Tusitusiga ma se aga masani mo aso uma ma manatunatu loloto i o latou uiga. O lea sa o tatou tomanatu mai lava i le taua o le tatalo, ma ua faamalosi ai se aga masani o le tatalo i aso taitasi. O vaega na muamua atu sa faailo atu ai ia te oe le taua o talosaga faifaatasi faalefaalapotopotoga. O mea uma ua e su'esu'eina e oo mai nei ua faasauni ai oe e faatino, pe a e finagalo i ai, se uluai gaioiga i luga o le ala o auunaga: o le faatinoina lea o se mafutaga tatalo.

O se uluai laasaga, lou manatu ai e taulotoina ni nai tatalo ma ia maua se avanoa e faasoa atu ai i nai au uo. Ma i le taimi lava lea e tasi, ia mautinoa lou auai ai ia le itiiti ifo i le faatasi i mafutaga tatalo a lau faalapotopotoga ma o loo faitaulia i le lotolotoi o ona tagata lagolago. E ono iu ane ai i lou filifili e te faatinoina se mafutaga tatalo a oe lava ia, ma valaaulia i ai au uo, sui o lou aiga, ma ou tuaoi e faatasi faifaipea mo talosaga ma fefaaauoa'iga. E le o se mea e masani ai mo se toalua pe toatolu foi o tagata auai o lenei mataupu/tusi le amatalia o se mafutaga tatalo faifaatasi.

Pe a e faatusatusa atu i ai, e leai ni faiga tamau i le faatulagaga o se mafutaga tatalo. Ae e manino lava o se faatasiga a uo e ofoina ai ni tatalo, faitauina ai fuaitau mai Tusitusiga, ma tutupu ai talanoaga anoa--e faia uma lava i se si'osi'omaga faaleagaga. E mafai ona e faia

ni nai upu faatatau i manatu ta'itasi o loo mulimuli mai, i le tulaga o le faatinoina o se mafutaga tatalo?

Tuuina atu o ni valaaulia i se agaga mafana ma le alofa:

Fausia o se si'osi'omaga faafeiloa'i tagata:

Faatumauina o le agaga migao:

Faalauiiloa/faalauteleina fefaauoaiga fiafia ma le fealofani:

Faalaeciauina feutagaiga anoa faaleagaga:

TUSI SA FAAOAGA

1. *Tuufaatasia o Nisi o Tusitusiga Pa'ia a Bahá'u'lláh* (Wilmette: Bahá'í Publishing Trust, 1983, 2017 printing), XLIII, par. 4, p. 105.
2. Bahá'u'lláh, in *Trustworthiness: A Compilation of Extracts from the Bahá'í Writings*, compiled by the Research Department of the Universal House of Justice (London: Bahá'í Publishing Trust, 1987), no. 21, p. 5.
3. *The Call of the Divine Beloved: Selected Mystical Works of Bahá'u'lláh* (Haifa: Bahá'í World Centre, 2018), no. 2.43, p. 31.
4. From a talk given on 5 May 1912, published in *The Promulgation of Universal Peace: Talks Delivered by 'Abdu'l-Bahá during His Visit to the United States and Canada in 1912* (Wilmette: Bahá'í Publishing, 2012), p. 127.
5. Bahá'u'lláh, *O le Upu Lilo a Baha'u'llah* (Wilmette: Bahá'í Publishing Trust, 2003, 2012 printing), Arapi nu. 13, pp. 6-7.
6. From a letter dated 8 December 1935 written on behalf of Shoghi Effendi, published in *Prayer and Devotional Life: A Compilation of Extracts from the Writings of Baha'u'llah, the Bab, and "Abdu'l-Bahá and the Letters of Shoghi Effendi and the Universal House of Justice*, compiled by the Research Department of the Universal House of Justice (Wilmette: Baha'i Publishing, 2019), no. 71, p. 31.
7. Words of 'Abdu'l-Baha, cited by J. E. Esslemont, *Baha'u'llah and the New Era: An Introduction to the Baha'i Faith* (Wilmette: Baha'i Publishing, 2006, 2017 printing), p. 106.
8. Ibid.
9. Bahá'u'lláh, i *Tatalo Bahá'í: O se Tuufaatasiga o Nisi o Tatalo sa Faaalia mai e Bahá'u'lláh, Le Báb, ma 'Abdu'l-Bahá* (Wilmette: Bahá'í Publishing Trust, 2002, 2017 printing), pp. 7–8.
10. Ibid., p. 9
11. Upu a 'Abdu'l-Bahá, sii mai le *Fetu mai Sisifo*, vol. 8, nu. 4 (17 Me 1917), p. 41.
12. *Tuufaatasia o Tusitusiga Pa'ia a Bahá'u'lláh*, CXXXVI, par. 2, p. 334; e maua foi i *Tatalo Baha'i*, p. iii.
13. Bahá'u'lláh, i le *Tusi Tatalo Baha'i*, pp. 8–9.
14. Ibid., p. 12.
15. "Abdu'l-Bahá, i le tusi *Tatalo ma Ola Mafuta Tatalo*, nu. 24, p. 7.

16. From a talk given by ‘Abdu’l-Bahá on 5 August 1912, published in *The Promulgation of Universal Peace*, p. 345.
17. *Tuufaatasiga o Nisi o Tusitusiga a ‘Abdu’l-Baha* (Wilmette: Baha’i Publishing, 2010, 2015 printing), nu. 22.1, pp. 75-76.
18. Mai se tusi aso 10 Ianuari 1936 sa tusia mo Shoghi Effendi, lomaiaina i le tusi *Tatalo ma le Ola Mafuta Tatalo*, no. 61, p. 25.
19. Mai se tusi aso 10 Ianuari 1936 sa tusia mo Shoghi Effendi, sii mai i le tusi *Tatalo Baha’i*, p. 301.
20. Baha’u’llah, i *Tatalo Baha’i*, p. 4.
21. Baha’u’llah, i *Tatalo ma Ola Mafuta Tatalo*, nu. 68, p. 29.
22. Mai se malelega aso 29 Tesema 2015, lolomiina i le Faavaa mo Gaiogiga: Tuufaatasiga o Nisi o Malelega a le Maota Aoao o le Faamasinogatonu ma Mataupu Faaopoopo, 2006-2016 (West Palm Beach: Palabra Publications, 2017), nu. 35. 49, p. 232.



Ola ma le Oti

Faamoemoega

Ia amanaia/talisapaia o lenei olaga e lē aofia ai na o
suiga ma avanoa o lenei lalolagi ae maua lona
taua moni i le atina'eina o le agaga

VAEGA 1

O le agaga o le tagata ua faasilisiliina a'e i luga o mea faitino ma le lalolagi o mea vaai. I se tasi o Ana saunoaga, sa faamatalaina ai e 'Abdu'l-Bahá:

“O nei tino faalelalolagi o loo fausia i ni aininii; ma o le taimi lava e amata ai ona mavaevae nei aininii o le a oo mai ai foi le faatama'iaina, ona oo mai ai loa lea o le mea o loo tatou ta'ua o le oti.....

“E ese mai ai la le tulaga o le agaga. O le agaga e lē o se tuufaatasiga o ni elemeni, e lē o fausia mai foi i ni aininii se tele, ae o se mea e tasi e lē mafai ona vaeveaina ma o lea e faavavau. E matua ese mai lava i le faatulagaga o le foafoaga faaletino; e ola pea e faavavau!”¹

1. O le a le uiga o le upu “fausia i ni”? _____
2. O fausia mai le agaga o le tagata mai i ni elemeni se tele, e pei o tino faalelalolagi?

3. Se mea faitino le agaga o le tagata? _____

VAEGA 2

O se tusi sa tusia mo le Faatama o loo faailoa mai ai faapea “e amata ona ola le agaga o le tagata i le taimi o le tau afuafua”.² I le tali atu i se faafesili faatatau i le uiga o le “tau afuafua”, sa faailoa mai ai e le Matoa Aoao o le Faamasinogatonu:

“E leai se tusitusiga Baha'i o maua e faatatau tonu lava i le taimi faapitoa ma le netia o lenei mea ua ta'ua ma faamatalaina o le 'afuafua'. O le faaaogaina o le faaupuga i se uiga faafoma'i e foliga mai foi e le sa'o. E moni, o le tasi malamalamaaga o le afuafua e o gatasi ma le fanafanau; ae o le isi o le mea e tupu pe a maea le fanafanau ma le foafoaina, o le amataga o le ma'itaga. O lea, e ono lē mafai ona iloa le taimi e tuufaatasia ai le agaga ma le mea faitino, ma o ia fesili e ono lē mafai e mafaufauga po o su'esu'ega a tagata ona tali talu ai latou te fesootei ma mea lilo o le lalolagi faaleagaga ma le natura o le agaga lava ia.”³

1. O gafea tonu e amata ai ona ola le tagata? _____
2. O faamatalaina e le upu “afuafua” lona taimi faapitoa ma lona netia?

VAEGA 3

O lenei sootaga e lē faaletino; e le ulufale i le tino pe ulufafo mai le tino le agaga, ma e le nofo foi i se vaega o le tino. O lana fesoota'iga ma le tino e faapei o le fesootaiga a le malamalama ma le faata o lo o toe faaatagiaina mai ai. O le malamalama ua faaalua mai le faata e lē o i totonu o le faata. I lenei foi tulaga, o le agaga e lē o i totonu o le tino. E pei ona faailoa mai e Abdu'l-Baha:

“o le agaga faautauta lelei, poo le agaga o le tagata, e le ola i lenei tino e ala i le tupuaga--o lona uiga, e le ulu i totonu; aua o le tupuaga ma le ulufale o foliga vaaia o le tino; ae o le agaga faautauta lelei ua faapaiaina i luga atu o lenei. E le i ulufale atu lava i le tino e amata ai, e ono manaomia ai se isi ona nofoaga, pe a tuua e ia le tino. Leai, o le fesootaiga o le agaga ma le tino e pei lava o le fesootaiga o lenei lamepa ma se faata. Afai o le faata ua faaiilaina ma atoatoa, o le a faasusuluina mai le malamalama o le lamepa mai totonu, ae afai e ta'e pe ufiufi foi e le pefu le faata, o le a tumau pea le punitiaina o le malamalama.”⁴

1. Faatumu avanoa o loo i fuaiupu nei. .
 - a. O le agaga faautauta lelei, poo _____, e le ola i lenei tino e ala i le tupuaga--o lona uiga, o le agaga e le _____.
 - e. O le _____, poo le agaga o le tagata, e le ulu i totonu o le tino; aua o le tupuaga ma le ulufale _____, ae o le agaga faautauta lelei ua _____.
 - i. O le agaga e le i _____ e amata ai, e tataua ona manaomia, pe a tuua e ia le tino, _____.
 - o. O le fesoota'iga o le agaga ma le tino e pei lava o le fesoota'iga _____.
 - u. Afai o le faata ua faaiilaina ma atoatoa, _____ o le a atagia mai.
 - f. Afai o le faata ua ta'e pe ufiufi foi e le pefu, _____.
2. I luga o le faavae o mea na o tatou su'esu'eina e oo mai nei, vaiiili pe o mea nei e mulimuli mai e moni:

_____ O le agaga e le mo le lalolagi faitino.

_____ O le agaga o loo i totonu o le tino.

_____ O le tino e ana le agaga.

_____ E ola pea le agaga.

- _____ O le amataga o le tagata o le taimi lea ua faatasia ai o ia lava ma le ‘afu’afu.
- _____ O le ola o le tagata e amata i le taimi e fanau mai ai i le lalolagi.
- _____ E faaaauau pea le ola faaletino o le tagata pe a mavae le oti.
- _____ O le olaga e aofia ai mea e tutupu ia i tatou i aso uma.

3. Faaaoga le ata vaaia o le malamalama ma le faata e faamatala ai le sootaga i le va o le agaga ma le tino:

VAEGA 4

O lo o i ai se sootaga faapitoa i le va o le agaga ma le tino, a tuufaatasia ona maua lea o le tagata. O le umi lava o le ola o le tagata, o le umi foi lena o lenei mafutaga. A o’o ina ua muta lenei mafutaga ona toe foi lea taito’atasi o i la’ua i le mea na tupuga mai ai. O le tino i le lalolagi o le efuefu, ma le agaga i lalolagi faaleagaga a le Atua. E faapei ona mapuna a’e mai malo faaleagaga, ma fausia i le faatusa ma foliga o le Atua, ma ua ausia foi uiga faapaiaina ma ta’u faalelagi, o le agaga, ina ua tuua le tino o le a faapena lava ona auiluma e faavavau. Ua saunoa mai ‘Abdu’l-Bahá:

“O le agaga o le tagata e iai lona amataga ae leai sona gataaga: E tumau e faavavau.”⁵

I se tasi o Ana saunoaga, sa Ia faamanino mai ai:

“E le manaomia e le agaga se tino, ae e manaomia e le tino le agaga, ina nei le mafai ona ola. E mafai ona ola le agaga e aunoa ma se tino, ae o le tino e aunoa ma se agaga o le a fano lava.”⁶

Ma sa faamalamalama mai e le Faatama:

“E faatatau i le agaga o le tagata: E tusa ai ma A’oa’oga Baha’i e amata le agaga o le tagata i le taimi e fausiaina ai le tagata i le afuafu, ma faaaauau pea ona atina’e ma ui atu i laasaga e le muta o le olaga seia mavae lona tuueseeseina mai le tino. O lona auiluma e leai se gataaga.”⁷

1. Ma i le teufatuina ai o upusii o loo i luga i lou mafaufau, tali fesili o loo mulimuli mai:
 - a. E manaomia e le tino se agaga? _____
 - e. E manaomia e le agaga le tino? _____

- i. O le a le mea e tupu i le sootaga i le va o le tino ma le agaga pe a oo mai le oti? _____
- o. O le a le mea e tupu i le agaga pe a mavae le oti? _____
- u. O le a le umi e faaauau ai pea le faigamalaga a le agaga? _____
- f. O afea e muta ai le ola? _____

2. Filifili po o fea o mea nei e o gatasi ma mea na tatou su'esu'eina i nei vaega:

- _____ O le oti o se faasalaga.
- _____ O le umi o le mafutaga i le va o le tino ma le agaga e fua i le umi o le ola faaletino.
- _____ E mafai e le tino ona auiluma e faavavau.
- _____ O le malaga a le agaga e auiluma e faavavau.
- _____ O le oti o le mutaaga lea o le ola.
- _____ E iai le aso o le faamasinoga lea o le a toe tūtū ai o tatou tino.
- _____ E muta le ola ina ua oo mai le oti.
- _____ E tatau ona tatou fefefe i le oti.
- _____ O meaai, lavalava, malologa, ma faafiafiaga e manaomia mo le agaga.
- _____ E lelava le agaga a'o faaaogaina e le tino lona malosi.
- _____ E lē aafia le agaga i ma'i po o vaivaiga foi o le tino.
- _____ E iai pea manaoga faaletino o le tagata pe a mavae le oti.

VAEGA 5

Ua o tatou vaaia o le agaga e le nofo i le tino ma e le fa'agaioia e tusa ai ma tulafono o le natura, e pei foi o mea fa'aletino. E fa'atosina e le agaga le malosi i le lalolagi e ala i le filifiliga saoloto o le tino, peita'i e le na o le pau lea o le auala e fa'aaoga ai le malosi o le agaga. Ua fetalai mai e Baha'u'llah:

“E moni Ou te fai atu, o le agaga o le tagata e matua sili mamao a’e i luga o sa’olotoga ma noanoataga uma. E le gaoioi ae peitai e mafai ona alu a’e; e gaoioi foi ae peitai e tumau.”⁸

Ae sa saunoa mai ‘Abdu’l-Bahá ia i tatou:

“Ia iloa o le aafiaga ma le vaaiga o le agaga o le tagata e lua ituaiga; o lona uiga, o le agaga o le tagata e lua ona ituaiga o faagaioiga ma le malamalama. O le tasi auala e ala i le faufautua o meafaitino a le tino ma totoga. E fa’apea lava ona va’ai ma mata, fa’alogo ma taliga, tautala i le laulaufaiva.

“O le isi ala o le aafiaga ma gaioiga a le agaga lea e leai ai ni itutino ma totoga faaletagata.”

1. Faatumu avanoa i fuaiupu o lo o mulimuli mai:
 - a. O le agaga o le tagata e matua sili mamao a’e i luga o _____ ma _____ uma.
 - e. E le _____, ae peitai e mafai ona _____.
 - i. E _____, ae peitai e _____.

2. Faamatala mai auala e lua o lo o mafai ona iloa ma maua ai aafiaga o le agaga i lenei lalolagi:

3. E mafai ona e aumaia ni faata’ita’iga o aafiaga ma gaioiga a le agaga e aunoa ma ni ona itutino faaletino?

VAEGA 6

I le taimi nei, i le malamalama ai i le talanoaga i vaega ua tuana’i, faitau le mau lenei mai Tusitusiga a Baha’u’llah:

“Ia e iloa lelei o le agaga o le tagata e matua sili mamao a’e lava ma matua sa’oloto foi ma tulaga ese ai lava ia mai isi itutino uma lava o le tino po o le mafaufau. O le faaalua o uiga vaivai e le tagata ma’i, ua maua mai lea i tua’oi o lo o faatua’oia ai i latou mai lona agaga ma lona tino, ma o lona agaga foi o le a tumau lava i le tulaga o le le mafai lava ona afaina i ma’i o le tino. Manatunatu i le malamalama o le moli, e ui lava ina i ai se tasi malosi o le a faalavelavea ai lona susulu, ae peitai o le malamalama e tumau lava i lona susulu pea e le mafai

ona feluia'ia. O le uiga faapena o lo o faaalua mai i ma'i e ootia ai le tino o le tagata ma oo ai ina taofia ai le agaga i le faaalua o lona malosi ma lona mana tumau. Afai o le a tuua e ia le tino, o le a faaalua ai se uiga maoa'e ma faatinoina ai se malosi e le mafai lava ona faatusalia e so o se malosi lava i le lalolagi. So o se agaga mama, atoatoa ma le faapaiaina o le a faatamaoigaina i se mana uiga ese, ma matua faaoliolia i se fiafiaga tele lava.”¹⁰

1. Faamatala i au lava upu pe faapefea e le agaga ona saoloto mai aafiaga o le tino po o le mafaufau, ae o le a foi se mea o le a faaalua manino i le taimi e tuueseeseina ai o ia mai le tino.

2. E tatou te fa'atumauiina ea tatou tagata ta'ito'atasi pe a mavae le oti o o tatou tino?

VAEGA 7

Ua fetalai mai Bahá'u'lláh:

“O lau fesili e faasino i le agaga o le tagata ma lona tumau pea pe a mavae le oti. Ia e iloa ma le mautinoa ina ua tuua e le agaga le tino, o le a faapena ai lava lona auiluma seia oo ai lava ina taunuu atu i luma o le Atua, i se tulaga ma se uiga e le mafai ona fesuia'ia e le faagasologa o tausaga ma seneturi, po o fesuisuia'iga ma taualumaga o lenei lalolagi. O le a tumau ai pea lava e pei ona tumau le Malo o le Atua, Lana pule, Lona mamalu ma le mana. O le a na faaalua faailoga o le Atua ma Ona ta'u, ma faaalua ai Lona alofa agalelei ma le foai alofa.”¹¹

1. O le a le umi e faimalaga ai le agaga pe a mavae le oti?

2. O lea le tulaga o le agaga e mafai ai ona faaauau le faigamalaga i le malo o le Atua?

3. O a nisi o ta'u ma faailoga o le agaga o le a faaalía i lena tulaga?

4. I luga o lou silafia i mea ua o tatou su'esu'eina nei, filifili po o fea o mea nei e mulimuli mai e moni:

- _____ E tumau e faavavau le Malo o le Atua.
- _____ E iai malosiaga i le agaga e faaalía ai ta'u o le Atua.
- _____ O tatalo o loo tatou faitauina mo e maliliu e leai sona aafiaga i le auilima ai o o latou agaga.
- _____ E le uma le ola o le agaga .

VAEGA 8

Ua fetalai mai Bahá'u'lláh:

“Ia e iloaina o taliga logo uma lava, pe afai o le a tausia ia mama ma le le 'ele'elea, e ao lava i taimi uma ma so o se itu foi ona faalogo atu i le si'ufofoga o lo o folafolaina mai ai nei upu: ‘E moni, e ou le Atua i tatou ma o Ia foi tatou te toe foi atu i ai.’ E le i mafai lava ona talatalaina le mealilo o le oti o le tino o le tagata ma lona toe foi atu, ma o lo o tumau ai pea lona lafita'i.....

“O le oti na te aumaia i tagata talitonu maumaututu uma lava le ipu o le olataga lava lea. Na te faamaligiina mai le olioli, ma o le avefe'au o le fiafia. Na te foa'iina mai le meaalofo o le ola faavavau.

“Ia te i latou ua latou tofotofa i le fua o le ola faale lalolagi o le tagata, o le taliaina lava lea o le Atua moni e toatasi, ia faasililiina Lona mamalu, o lo latou ola atali o se mea lea ua Matou matua le mafaia lava ona faamatalaina. O le malamalama atoatoa i lena mea o lo o i le Atua toatasi lava lea, le Alii o lalolagi uma.”¹²

“Le Atalii e, o le Silisiliese! Ua Ou faia le oti ma avefeau o le olioli ia te oe. Aisea la e te faanoanoa ai? Ua Ou faia le malamalama ina ia susulu ifo i ou luga lona pupula. Aisea ua e ufitia ai oe mai lona pupula?”¹³

1. O fea o faamatalaga nei e moni?

- _____ O le agaga o le tagata na sau mai le Atua ma e toe fo'i atu ia te Ia.
- _____ O lo o i le Atua mea uma e iloa e uiga i le ola pe a mavae le oti.

- _____ Ae o le tagata talitonu maumaututu, o le oti o le ola..
- _____ O le oti o le avefeau o le fiafia.
- _____ O mealilo o le oti ua iloa e tagata uma.
- _____ E tatau ona tatou faatauaina/aputiputi i faamanuiaga o le ola ae aua le fefefe i le oti, ona o le oti o le avefeau o le olioli.
- _____ E le taua lo tatou iloa o le ola pe a mavae le oti.

2. Mo le taimi nei, i le manatuaina o mea na o tatou su'esu'eina i nei vaega, tusi se parakalafa puupuu e uiga i le ola, oti, tino ma le agaga.

VAEGA 9

Ua fetalai mai 'Abdu'l-Bahá:

“I le amataga o le ola o le tagata, na ulua'i fofoa mai ai i totonu o se lalolagi pumoomoo tau afuafua. O iina na maua ai le malosia ma faaoloina ai o ia e avea ma tagata moni o lona soifuaga. O malosiaga ma tulaga moomia mo lenei lalolagi na faaee i ona luga i totonu o lona nofoaga vaapiapi. I lenei lalolagi ua ia mana'omia ai ni mata, peita'i na ia ulua'i maua ia mata mai le isi lalolagi. Ua ia mana'omia foi ni taliga ma sa ia maua foi ma saunia lelei nei tapenaga mo lona nofoaga fou. O nei malosiaga na fuafua faatatau mo lenei lalolagi ae sa faapaleina ai o ia i le lalolagi na ulua'i fofoa mai ai mea uma. O le ala lea e tatau ai ona ia sauniuni i lenei lalolagi mo le ola atali. O so o se tulaga moomia i le lalolagi o le Malo i luga e ao lava ona ia maua ma saunia iinei. E faapei ona tapenapena a'o i ai i totonu o le lalolagi o le foafoaga, mo malosiaga mo'omia i lona tulaga faale olaga nei, e faapena foi ona moomia lona maua o malosiaga faaleagaga iinei, mo le isi lalolagi.”¹⁴

1. Filifili pe moni fuaiupu o lo o mulimuli mai:

- _____ O malosiaga uma e talafeagai mo lenei lalolagi e maua mai le lalolagi o le foafoaga.
- _____ E le mana'omia fua le tapenapena o i tatou mo le olaga i le isi lalolagi.

- _____ O mea tatou te mana'omia mo le lalolagi o le Malo i luga e tatau ona tatou maua mai i lenei lalolagi.
- _____ O le faamoemoe o lenei olaga o le mauaina o malosiaga ma tulaga moomia mo le olaga i le isi lalolagi.
- _____ O le ola moni e amata ina ua oti le tagata ma aga'i atu i le Malo faaleagaga.
- _____ O le ola moni e amata i le lalolagi lenei ma faaauau pea ina ua mavae le oti faaletino.

2. O a nisi o agavaa e mauaina e le tagata soifua i le lalolagi o le foafoaga? _____

3. O a nisi o faaeaga e tatau ona mauaina i lenei olaga mo le olaga pe a mavae le oti?

VAEGA 10

Ua fetalai mai Bahá'u'lláh:

“O le tiute atoatoa o le tagata i lenei Aso o le taumafai lea ia maua lena vaega o lologa o le alofa tunoa na faamaligiina mai e le Atua mo ia. O le mea lea, aua lava ne'i anoanoa'iina e se tasi le tele po o le itiiti o le tufaaga. O le vaega o ni isi e mafai ona ofi i le alofilima o se tasi, a o ni isi e mafai ona faatumuina ai se ipu, a o ni isi e tusa lea ma le fua o le kalone.”¹⁵

1. I lou malamalamaaga i upusi'i o lo'o i luga, tali fesili o lo o mulimuli mai:

a. O lea le tiute o tagata taito'atasi i lenei Aso?

e. Ta'u mai ni faamanuiaga ua e maua mai le Atua?

i. O le a le mea o lo o faasino i ai le upu “tufaaga” i le upusii o lo o i luga?

o. Aisea e le tatau ai ona tatou anoanoa'iina le “tele po o le itiiti” o le agavaa ua faeaina ai i tatou?

u. O a ni mea o lo o taofia ai tatou mai le mauaina o le alofa tunoa o le Atua?

2. Filifili po o fea o faamatalaga o mulimuli mai e moni?

- _____ O le “tele po o le itiiti” o o tatou malosiaga e faasino i lo tatou atamamai.
- _____ Ina ia auauna atu i le Atua, e mana’omia le faagalo o o tatou vaivaiga ma tuu atu lo tatou talitonuga uma ia te Ia.
- _____ Afai tatou te le atina'eina i lenei lalolagi malosiaga ua aumaia e le Atua ia i tatou, e vaivai foi o tatou agaga pe a tatou taunu’u atu i le isi lalolagi.

VAEGA 11

Na fetalai mai Bahá'u'lláh:

“Sa e fesili mai ia te A’u e uiga i le netia o le agaga. Ia e iloa lelei o le agaga o le faailoga a le Atua, o se maataua faalelagi, ma ua matua le mafai lava e le vaega aupito popoto o le lalolagi ona iloa lona uiga moni, ma o lona lafita’i foi ua matua leai lava se mafaufau tusa lava po o le a lona maoa’e, e mafai ona faamoemoe na te iloina. O le ulua’i mea lava lenei o mea uma na faia e mafai ona ta’utinoina atu le atoatoa o lona Mataisau, o le ulua’i tagata foi lea ua na iloina Lona mamalu, pipii atu i Lona faamaoni, ma ifo atu e tapua’i ia te Ia.”¹⁶

1. Faatumu avanoa i fuaiupu o lo o mulimuli mai:

- a. O le agaga o le _____ lea a le Atua.
- e. O le agaga o se _____ ma ua matua le mafai lava e le vaega aupito i popoto i le lalolagi ona iloa lona _____, ma o lona _____ foi ua matua leai lava se mafaufau tusa lava po o le a lona maoa’e, e mafai ona faamoemoe _____.
- i. O le agaga o le _____ tautinoina atu le _____.
- o. O le agaga na muamua _____ le Mamalu o le Atua.

- u. O le agaga na muamua _____ Lona faamaoni.
- f. O le agaga na muamua _____ tapua'i ia te Ia.

2. Filifili po'o fea o fuaiupu o loo i lalo e moni?

- _____ "Iloaina" o lona uiga ia sailia ma maua.
- _____ I mea uma na foafoaina, o le mafaufau o le tagata soifua na muamua iloaina le Atua.
- _____ "Maoa'e", o lona uiga o le ma'ati'ati.
- _____ E malamalama lelei le tagata a'oa'oina i le mealilo o le agaga.
- _____ E na o tagata e maoa'e le popoto e mafai ona latou tautino mai le silisiliese o le Atua.
- _____ E le tatau ona tatou manatunatu loloto e uiga i le agaga, talu ai e le mafai lava ona tatou malamalama i lona atoatoa.

VAEGA 12

Ua fetalai mai Bahá'u'lláh:

“Ua pei outou o le manulele sa lele a'e i le matua malosi tele ona o le malolosi o ona apa'au i le matua olioli atoataoa ma le mautinoa, i le vateatea i lagi, seia oo i le taimi e lagona ai le fia faamalieina o lona matelaina, ona liliu mai loa lea o ona moomooga i vai ma le efuefu o le lalolagi i lalo nei, ma oo ai ina lavelavea o ia i le upega o lona mana'oga, ma ia iloa ai ua leai se malosi e toe faaauau ai lana malaga i malo na ia sau ai. Ua matua leai lava se malosi e luluina ese atu ai le avega mamafa a ona apa'au eleelea, ma o lena manulele sa tatau ona avea o se tagata o lagi, ae o lenei ua faamalosia nei ina ia sailia sona nofoa-tumau i luga o le efuefu. O le mea lea, A'u auauna e, ia le faaleagaina o outou apa'au i le pefu o le fesea'i ma mana'oga le aoga, ma ia le faatigaina ina i la'ua i le faa'ele'eleaina i le pefu o le losilosivale ma le inoino, ina ia le mafai ai ona taofia outou mai le felelei a'e i lagi o Lo'u poto faaleagaga.”¹⁷

- 1. Faauma fuaiupu o loo i lalo.
 - a. O le manulele o lo o faatatau i ai le fetalaiga a Bahá'u'lláh i le upusii o le _____.
 - e. O lenei manulele o se tagata aumau o le _____.
 - i. Ae afai e eleelea ona apa'au, o lenei manulele o le a faamalosia e saili atu sona nofoa-tumau i _____.

2. Tali fesili o lo’o mulimuli mai:

a. E faapefea ona "eleelea" ma pefua “apa’au” o le agaga?

e. O a nisi o avega mamafa, faapei o le “vai ma le efuefu o le lalolagi”, lea o lo o mamafa ai apaau o le agaga?

i. Aumai se faataitaiga o ni mea o lo o taofia ai i tatou mai le felelei a'e i le lagi o le poto faaleagaga?

o. Aisea e ono suia ai e se agaga lona aiga faalelagi mo pefu o lenei lalolagi?

3. Vailiili po’o fea o faamatalaga o mulimuli mai e moni:

_____ O tu’inauga faalelalolagi e fa’alavelaveina ai lo tatou auiluma faaleagaga.

_____ O tatou manaoga faalelalolagi e taofia ai i tatou mai le felelei a’e i lagi o le poto faaleagaga.

_____ O le losilosivale ma le inoino o uiga masani na o tagata soifua ma e le aafia ai le agaga.

_____ E mafai ona tatou tafieseia ia nei faafitauli lea o lo’o taofia ai tatou mai le felelei a’e i le lagi e ala lea i lo tatou vavaeesea mai mea o le lalolagi nei.

_____ O le nofoaga mautu o le agaga o totonu o lenei lalolagi.

VAEGA 13

Ua fetalai mai Bahá'ulláh:

“Ina ua uma ona fausia o le lalolagi ma mea uma o lo o ola ma gaoioi ai, ona Ia filifilia lea ona o taualumaga tuusa'o a Lona Finagalo tuusaunoa ma le mamalu, e tuuina atu i luga o le tagata se tofi tupito ma le agavaa e iloa ai o Ia ma alofa atu ia te Ia - o se agavaa e tatau ona manaomia ona faatatauina o le manava galue ma o le aoga autu o lo o faataotolia ai le foafoaga atoa..... I luga o uiga

loloto moni o mea taitasi ma mea uma na faia, sa Ia faluteina ai le malamalama o Ona suafa taitasi, ma sa faia ai o ia ma taunuuga o le mamalu o se tasi o Ona ta'u. Ui i lea, ua ia tuuina atu i luga o le faatinoga moni o le tagata le faasusuina atu o Ona suafa ma ta'u uma, ma faia o ia ma faaata o Lana lava afio. I le faapitoa lava ua tofia toatasi ai le tagata mai mea uma na faia mo se finagalo alofa sili faapenei, se foai alofa e matua tumau.”¹⁸

1. Faatumu avanoa o loo i lalo.

- a. Na filifilia e le Atua le tuuina atu i luga o le tagata se tofi tupito ma le agava'a e _____.
- e. I luga o uiga loloto moni o _____ ma _____ na faia, sa faluteina ai e le Atua le malamalama o _____, ma sa faia ai o ia ma taunuuga o le mamalu o _____.
- i. I luga o faatinoga moni o le tagata, sa Ia faasusuina atu _____, ma faia o ia ma faata o _____.

2. Tali fesili o lo'o mulimuli mai:

- a. E mafai ona e faailoa mai nisi o ta'u o le Atua?

- e. O a nisi o ta'u o le Atua e mafai ona faaalua mai e le agaga o le tagata?

- i. E faapefea ona faaalua tino mai nei ta'u?

- o. Po o le a le tulaga faapitoa ua tofia toatasi ai le tagata?

3. Filifili poo fea o faamatalaga o loo mulimuli mai e moni:

_____ E tutusa le tagata ma isi mea uma o le foafoaga.

_____ O le mafai ona iloa le Atua ma alofa ia te Ia ua faatatauina o le manava galue ma o le aoga autu o lo o faataotolia ai le foafoaga atoa.

_____ O le uiga loloto moni o mea uma na faia o le taunuuga i se tasi o ta'u o le Atua.

_____ O le agaga o le tagata e mafai ona faaalua atu ta'u uma o le Atua.

VAEGA 14

Ua fetalai mai Bahá'u'lláh:

“O nei malosi na tuuina mai e le Fetu Ao o le foa’ialofa Faaleagaga ma le Pogai o le ta’ita’iga faalelagi i le faatinoga moni o le tagata, e ui lava ina o loo i ai i totonu ia te ia, ae o loo pei o le mumu o loo natia i totonu o le moliga’o, ma o ave o le malamalama o loo susulu malosi i totonu o le lamepa. O le pupula o nei malosi e mafai ona punitia e manaoga faale lalolagi, e pei o le malamalama o le la e mafai ona ufitia i lalo o le pefu ma le nefu o loo ufitia ai le faaata. E le mafai e le moliga’o po o le lamepa ona tutuina i la’ua lava i ni a la taumafaiga ae leai se fesoasoani, e faapea foi ona le mafaia e le fa’aata ona faasaolotoina o ia lava mai lona nefu. Ua manino ma malamalama afai e le tutuina se afi o le a le mafai lava ona mumu le lamepa, ma seia vagana ua soloiesea le pefu mai le faaata, o le a le mafai lava ona maua le ata o le la po o le faaatagia atu foi o lona malamalama ma le pupula.”¹⁹

1. O le a le uiga o le upu “natia”? _____

2. O a ni malosiaga o lo o natia i le agaga o le tagata?

3. O a ni malosiaga o lo o i le lamepa? _____

4. O a ni malosiaga o lo o i le faata? _____

5. O le a se mea e te faia i le lamepa ina ia mumu ai? _____

6. A o le a se mea e te faia i le faata ina ia faaatagia mai ai le malamalama?

7. E mafai e le lamepa ma le faaata ona faaalua o la malosiaga e i la'ua lava? _____
8. E faapefea ona fa'atusatusa nei faata'ita'iga i le tulaga o le agaga o le tagata?

9. O ai na te faaosofia le agaga o le tagata ina ia faaalua tino ona malosiaga?

VAEGA 15

Ua fetalai mai Baha'u'llah:

“Sa tapunia ma o lo o tapunia pea lava le faitotoa o le poto o le Tagata Faavavau i mata o tagata. E leai lava se malamalamaaga faale tagata e mafai ona laa atu i Lona lotoa paia. Ui i lea, ua Ia faaalua i tagata e avea ma fua o Lona alofa mutimutivale, faamaoniga o Lona alofa-agalelei ia Fetu Ao o Lana ta'ita'iga faaleagaga, o Fa'aaliga o Lana afaaatasiga faaleagaga, ma ua Ia tuuina atu ai le poto i nei Tagata faapaiaina ina ia tutusa ma le poto o Lana lava Afio. O le tagata e taliaina i latou ua taliaina le Atua. O le tagata e faalogo atu i le latou valaau, ua faalogo foi i le Si'ufofoga o le Atua, ma o le tagata foi e molimau atu i le faamaoni o le latou Fa'aaliga, ua molimau atu foi i le faamaoni o le Atua lava Ia. A o le tagata e liliu ese mai ia te i latou ua liliu ese mai foi i le Atua, ma o le tagata e le talitonu ia te i latou ua le talitonu foi i le Atua. O i latou taitoatasi uma o le Ala lea a le Atua o lo o sofoatasi ai le lalolagi ma malo i luga, ma o Tagavai o Lana Upu Moni i tagata uma i malo o le lalolagi ma le lagi. O i latou o Faifa'aaliga a le Atua i totonu o tagata, o molimau o Lana Upu Moni, ma o faailoga o Lona mamalu.”²⁰

1. I lou manatunatu ai i le upusii o lo o i luga, tali fesili o lo'o mulimuli mai:
 - a. Faamata e mafai e le tagata ona ia iloa le Atua e ia lava? _____
 - e. Ae faapefea la, ona tatou iloa le Atua?

 - i. E mafai ona e ta'uina mai nisi o Fetu Ao o le ta'ita'iga faaleagaga?

o. Afai tatou te faalogo i le valaau a Faifa'aaliga a le Atua, ua tatou faalogo fo'i i le Si'ufofoga o Ai? _____

u. O Ai ua tatou liliu ese mai ai pe a tatou lē faalogo i le valaau a Faifa'aaliga a le Atua? _____

2. Faauma fuaiupu nei:

a. O le faitotoa o le potō o le Tagata Faavavau o lo o, ma o le a fa'aauau pea lava ona _____.

e. E leai lava se malamalamaaga faale tagata e mafai ai ona laa atu _____.

i. Ua tu'uina mai e le Atua Ana Faifa'aaliga e avea ma fua o Lona _____ ma o se faamaoniga o Lona _____.

o. O le potō o Faifa'aaliga a le Atua e tutusa ma le _____.

u. O le tagata e taliaina i Latou ua _____.

f. O le tagata e faalogo atu i le Latou valaau ua faalogo fo'i _____.

g. O i Latou taitoatasi uma o le Ala lea a le Atua e _____.

3. O fea o fa'amatalaga o lo'o i lalo e moni?

_____ E mafai ona ola faaleagaga le tagata ia i ana lava taumafaiga.

_____ Na tuuina mai e le Atua i ai tatou mafaufau, ma ua lava lea mo lo tatou auiluma.

_____ E tatou te auiluma faaleagaga pe a tatou taliaina Faifa'aaliga a le Atua ma e le manaomia ai se faia o se taumafaiga tele.

_____ E tatou te auiluma faaleagaga pe a tatou taliaina Faifa'aaliga a le Atua ma faia taumafaiga uma e ola e tusa ai ma Ana a'oa'oga.

_____ E mafai ona tatou iloaina le Atua.

_____ E mafai ona avea le tagata soifua pei o le Atua.

_____ O le Atua e faaeaina i luga o so'o se malamalamaaga faaletagata.

_____ Afai tatou te faalogo i upu a Faifa'aaliga a le Atua, ua tatou faalogo foi i le Si'ufofoga o le Atua.

VAEGA 16

Fetalai mai Baha'u'llah:

“Sa auina mai Perofeta ma Avefeau a le Atua i lalo nei ona o le mataupu lava e tasi o le ta'ita'ia lea o tagata ola i le Ala sa'o o le Upu Moni. O le mataupu o lo o faavaeina ai le latou faaaliga o le a'oa'oina lava lea o tagata uma, ina ia mafai ai i le taimi o le latou oti ona o ae i le matua le gaoia, faapaiaina ma le matua faatoina atoatoa i le nofoalii o le Silisili Ese.”²¹

Mai se tasi o upusi'i ua, fetalai mai:

"O le tagata o le palealii silisili. Ui i lea, o le le lava o le a'oa'oina ua oo ina aveesea ai o ia mai le tofi sa tuuina atu ia te ia. Ona o le afioga sa fetalai mai e le fofoga o le Atua na mafai ai ona toe faaleleia o ia; ma o le tasi afioga na ta'ita'iina atu ai o ia ia iloa le Pogai o lona a'oa'oina; ae o le isi sa leoleoina ai lona tulaga ma lona taunuuga. Ua fetalai mai le Tagata Sili: Ia faatatauina le tagata o se lua e matua tamaoaiga tele i maataua e le fuatia le taua. Ua na o le a'oa'oina lava e mafai ai ona faaalina ana oloa, ma mafai ai ona faamanuiaina ai tagata ola. Afai e mafai e se tagata ona mafaufau loloto i le mea sa faaalina mai i Tusi Paia sa auina mai i lalo nei mai le lagi o le Finagalo paia o le Atua, o le a mafai e lea tagata ona iloa o la latou taumafaiga o le fia faatatauina lava lea o tagata ina ia tasi, e mafai ai e le faamaufailoga o lo o i ai upu nei, "O le Atua e ou le Malo," ona faailogaina ai loto taitasi uma, e mafai ai foi e le malamalama o le foa'ialofa Faaleagaga, le alofa tunoa ma le alofa mutimutivale ona afafia ai tagata uma..”²²

1. O le a le faamoemoe sa auina mai ai Perofeta ma Avefeau a le Atua?

2. O le a le mataupu o lo o faavaeina ai le Latou fa'aaliga?

3. O le a le uiga o le upu “palealii silisili”?

4. O a ni aafiaga o le tagata ona o le lē lava o le a'oa'oina?

5. O le a se mea e tula'i mai pe a lelei ona a'oa'oina?

6. O ai le Pogai o lo tatou a'oa'oina? _____

7. O le a lo tatou taunu'uga? _____

8. O a nisi o maataua ua faaalua mai e le a'oa'oina i le tagata?

9. O le a le mea tatou te faigofie lava ona iloa pe a tatou mafaufau loloto i Tusitusiga Pa'ia? _____

VAEGA 17

Ua fetalai mai Baha'u'llah:

“Sa e fesili mai foi ia te A'u e uiga i le tulaga o le agaga pe afai o le a te'a ese ma le tino. Ia e iloa ma le mautinoa, afai sa savali le agaga o le tagata i ala o le Atua, e le taumateina lona toe foi atu ma o le a faatasi atu i le mamalu o le Pele. Ona o le amiotonu a le Atua, o le a oo atu ia i le tulaga e le mafai e se peni ona faamatalaina, po o le talatalaina foi e se gagana. O le agaga sa tumau ma le faamaoni i le Fuata'iga a le Atua, ma tumau ai ma le le femoumoua'i i Lona Ala, afai o le a tuua e ia le tino tagata, o le a maua e ia se malosi e mafai ona faamanuaina ai lalolagi uma a le Malosiuma na faia ona o ia.”²³

1. Faamae'a fuaiupu o lo o i lalo:

- a. Afai sa savali le agaga o le tagata i ala o le Atua, o le a, ma e le taumateina lona,
_____.
- e. O le a oo atu o ia i le tulaga e pei o le

_____.
- i. O le _____ sa tumau ma le _____ i le _____
o _____, ma ia _____ ma tumau ai ma le le _____ i totonu
_____ afai, o le a _____, o le a
maua ia, _____ ai lalolagi uma a le _____ sa
_____ mafai _____ ona o ia.

VAEGA 18

Ua fetalai mai Baha'u'llah:

“Amuia le agaga e oo atu i le taimi e tete'a ai ma le tino o lo o faapa'iaina pea mai manatu le aoga o tagata o le lalolagi. O le agaga lena o lo o ola ma gaoioi e tusa ma le Finagalo o lona Mata'isau, ma ulufale atu ai i le Parataiso maualuga-aoao. O le a faataamilomilo ai ia te ia Taupou o le Lagi ma tagata o lo o nonofo i maota maualuluga, ma o le a sailia ai o ia e Perofeta a le Atua atoa ma Ona tagata filifilia e faauo i ai. O le a sa'oloto ai o ia e talanoa atu ia te i latou, ma ta'uta'u atu ia te ia a latou mea uma sa ia onosa'i ai i le ala o le Atua le Alii o Lalolagi uma.”²⁴

“Ui i lea, o A'u lava e molimau i lenei mea - afai o le a to le manava a tagata faapaupau, e ao lava ina ia latou malamalama i mea lelei sa latou le faia, ma oi ai i lo latou i'uga, ona tatau ai lea ona latou faamaualalo i luma o le Atua. Ua tatau ai lava ona faaauuina le faia pea o lenei mea pe afai o le a tete'a ese o latou agaga ma o latou tino. E tatau ona ia faamagalo i le tagata agasala, ma ia le inoino i lona tulaga maualalo, aua e leai lava se tasi na te iloaina lona taunuuga. E faafia ona maua e le tagata agasala, i le itula o lona oti, le faatuatua faamaoni, ma inu mai le mamalu faavavau, ma aga'i atu ai lana malaga i le Au Paia i luga! Ae pe faafia foi, ona suia faafuase'i ma pa'u atu i le afi loloto le tagata talitonu faatoina, i le taimi o le faigamalaga a lona agaga.”²⁵

1. O lea le tulaga e tatau ona i ai o tatou agaga pe a tete'a ese ma le tino?

2. O a nisi o manatu lē aoga? _____

3. O le a le tulaga o le a ola ma fegaioia'i ai le agaga sa faapaiaina mai manatu lē aoga pe a mavae le oti?

4. O ai o le a faauo atu i ai lenei agaga?

5. E mafai ea e nei agaga ona talatalanoa ma perofeta a le Atua ma Ana tagata filifilia?

6. E mafai ona tatou iloaina muamua pe faapefea ma o afea foi e uma ai lo tatou ola?

7. O a mea e ao ona tatou faia iinei ina ia maua ai le ola e faavavau ua faatatauina mo i tatou?

VAEGA 19

Ua faamalamalama mai e Abdul Baha:

“A o ola pea e faavavau le agaga o le tagata ina ua uma ona lafoaiese lenei elemeni faavae, e pei o mea uma o lo o iai, e le taumateina le mafai ona auiluma, ma o lea e mafai ai e se tasi ona tatalo mo le auiluma o se agaga ua maliu, ina ia faamagaloina, pe avea o ia ma se tasi e mauvaega i faailoga faalelagi, faamanuiaga ma le alofa tunoa. O le mafuaaga lena, i tatalo a Baha’u’llah, o le faamagaloga a le Atua o loo faatagisia mo i latou ua malaga a’e i le isi lalolagi. E le gata i lea, e pei foi ona manaomia e tagata le Atua i lenei lalolagi, e faapean foi ona latou manaomia o Ia i le isi lalolagi. E manaonao pea meaola, ma o le Atua e atoatoa i taimi uma ma tutoatasi mai i ai latou uma, tusa lava po o lenei lalolagi po o le lalolagi foi a sau.”²⁶

Aisea e tatau ai ona tatou tatalo mo agaga o e ua feoti?

VAEGA 20

Ua tusi mai ‘Abdu’l-Bahá:

“Pe a lele a’e le agaga o le tagata mai leni faaputuga pefu mavae ma alu a’e i le lalolagi a le Atua, ona pauu ai lea o pupuni, ma o le a oo mai mea moni, ma o mea uma e le’i iloa muamua o le a faamaninoina; ma o le a malamalama foi i mea moni sa natia.

“Manatunatu i le tagata, i totonu i le lalolagi foafoa (afuafu), sa tutuli ai taliga ma tauaso ai mata, ma gugu le laulaufaiva; manatunatu i le faamativaina o ia mai le iloa o se mea. Ae o le taimi lava na alu ese ai mai lena lalolagi pogisa, ua ulu mai totonu o leni lalolagi o le malamalama, ona pupula lea o ona mata, faalogo ona taliga, ma tautala lona laulaufaiva. I le ala lava lea e tasi, o le taimi lava e malaga faanatinati ese atu ai mai leni nofoaga mavae agai i le Malo o le Atua, o le a fanau o ia i la le agaga; ona matala ai lea o mata o lona malamalamaaga, o le a tatalaina taliga o lona agaga ma faalogo, ma o mea moni uma lava mai le taimi o lona leiloa o se mea o le a matua manino ma maioio.”²⁷

1. Faatumu avanoa o lo o i lalo.

a. Pe a tuua e le agaga leni lalolagi, o

- pupuni _____ ,
- ma mea moni _____ ,
- ma mea uma e lei iloa muamua _____ ,
- ma mea moni sa natia _____ .

e. I totonu o le lalolagi _____ , sa _____ ai o tatou taliga, _____ ai o tatou mata, ma _____ o tatou laulaufaiva.

i. Ae ina ua tatou fananau mai totonu o leni lalolagi, o o tatou mata ua _____ , o tatou taliga ua _____ , ma o tatou laulaufaiva ua _____ .

- o. I le ala lava lea e tasi, pe a tatou ulu atu i le Malo o le Atua, o le a tatou _____ i la le _____ .
- u. O o tatou mata o le _____ o le a _____ , o taliga o o tatou _____ o le a _____ , ma o mea uma e _____ mai le taimi tatou te lei iloa ai se mea o le a matua _____ ma _____ .

2. Vailiili pe moni faamatalaga o loo i lalo:

- _____ A'o tatou iai i le lalolagi i le fa'a'utagata ua tatou iloina lenei lalolagi.
- _____ O lo tatou tulaga pe mavae le oti o se upumoni lilo mai ia I tatou I lenei soifuaga.
- _____ O le a tatalaina mai I o tatou luma tafailagi pe a uma le oti.
- _____ Pe a tatou feoti, tatou te toe foi mai i lenei lalolagi e toe fanaufouina.

VAEGA 21

Ua tusi mai 'Abdu'l-Bahá:

“O lau fesili e faasino i le agaga o le tagata ma lona tumau pea pe a mavae le oti. Ia e iloa ma le mautinoa ina ua tuua e le agaga le tino, o le a faapena ai lava lona auiluma seia oo ai lava ina taunuu atu i luma o le Atua, i se tulaga ma se uiga e le mafai ona fesuia'ia e le faagasologa o tausaga ma seneturi, po o fesuisuia'iga ma tualumaga o lenei lalolagi. O le a tumau ai pea lava e pei ona tumau le Malo o le Atua, Lana pule, Lona mamalu ma le mana. O le a na faaalua faailoga o le Atua ma Ona ta'u, ma faaalua ai Lona alofa agalelei ma le foai alofa.

“O tagata o le Malamalama (Bahá), o tagata lava ia o le Vaa o le Atua, ua matua malamalama taitoatasi ma le aoao i le tulaga ma le uiga o le tagata taitoatasi, ma ua sofoaatasia i noataga o le masani lelei ma le mafuta faatasi . O lea tulaga e faalagolago lea i lo latou faatuatua ma a latou amio. O i latou uma e vasega ma tulaga faatasi ua matua malamalama lelei lava i le agavaa, uiga, mea e mafaia ma le tomai o le tasi. Ui lea, o i latou i le vasega maualalo e faalelava i le iloa lelei o le tulaga, po o le faatulagaina o le tomai o i latou o lo o i luga a'e o i latou. E taitoatasi lava ma maua mai lona vaega mai lou Alii. Amuia le tagata e liliu atu ona mata i le Atua, ma savali ma le lotomau i Lona alofa, seia oo i le taimi o faia ai e lona agaga lana malaga i le Atua, le Alii Mamalu o tagata uma, le Mamana Silisili, le Faamagalalo-Faavavau, le Alofa Mutimutivale-Uma.”²⁸

1. I le isi lalolagi, faamata o le a tatou manatuaina tagata sa tatou iloina ao iai i le lalolagi nei? _____

2. O le a le latalata o le mafutaga i le va o agaga i le isi lalolagi?

3. O le a o le a faalagolago i ai eseese ma faatulagaga o agaga i le isi lalolagi?

4. Faamata e aveesea se isi mai le alofa tunoa o le Atua? _____

VAEGA 22

Ua fetalai mai Baha'u'llah:

“A'u auauna e! Ia le faanoanoa pe afai o aso nei i lenei lalolagi o lo o maua ai mea ua foa'iina mai ma faaalua mai e le Atua e ese lea mai mea tou te manana'o i ai, aua o aso o le olioli manuia, le fiafiaga faalelagi o lo o teuina lea ma le mautinoa mo outou. Lalolagi e, o mamalu paia ma le faaleagaga o le a faaalua atu i o outou mata. Ua tofia outou e Ia i lenei lalolagi ma le ola atali, ina ia outou mauvaega i o latou faamanuiaga, ma fiafia faatasi i o latou olioliga, ma ia maua ai foi se vaega o lo latou alofa tunoa tumau. O le a leai lava se faaletonu o lo outou taunuu atu i ai ia te i latou uma ta'ito'atasi.”²⁹

1. Filifili po o fea o faamatalaga o loo mulimuli mai e sa'o:

_____ E tatau ona tatou faanoanoa peafai e lē ogatusa mea o tutupu ma o tatou mana'o.

_____ O mea uma lava, lelei po o le leaga, na faauuina mai e le Atua.

_____ Ua tautinoaina mai mo i tatou aso o le olioli manuia.

_____ O le a faaalua mai i o tatou mata lalolagi mamalu pa'ia ma le faaleagaga.

_____ Ua tofofiina mo i tatou ia tatou mauvaega i faamanuiaga o lalolagi mamalu pa'ia ma le faaleagaga, i le olaga lenei ma le olaga atali.

2. Aisea e le tatau ai ona tatou faanoanoa pe afai o mea ua foa'iina mai e ese lea mai mea tatou te manana'o i ai?

3. O le a le ta'utinoga na faia e Baha'u'llah mo i tatou i lenei fuaitau?

VAEGA 23

I totonu o lenei iunite ua e tomanatu ai i le uiga o le olaga o tagata soifua. Ua tele foi se a'oa'oga na e mauaina e faatatau i le natura o le agaga, le faamoemoega o le ola i totonu o lenei lalolagi, le taua o le atina'eina o uiga faaleagaga ma le folafolaga na tuuina ia i tatou mo se ola e faavavau, pupula ma faatumuina i le olioli. I le iunite lona lua o le tusi sa tatou talanoa ai i se faamoemoega sautualua—ma ia maua ai so tatou lava ia ola tuputupua'e faaleagaga ma faalemafaufau ma faisaofoaga ai i le liuaina o le sosaiete. O le avanoa leni e toe tagai ai i lena manatu autu ma mafaufau i le taua o le faatinoina o itu uma e lua o leni faamoemoega, e fua i lou malamalamaaga ua maua mai e uiga i le auiluma o le agaga. O a outou tomanatuga e ono faamanuiaina atili mai i felafolafoa'iga e uiga i autu o lo o i lalo i totonu o la outou kulupu.

1. *Atina'ega o uiga faaleagaga*
2. *Usiusita'i i tulafono a le Atua*
3. *Faisaofoaga atu i le soifua maloloina o tagata uma*
4. *Auiluma i luga o ala o auunaga*

REFERENCES

1. Mai se saunoaga sa faia i le aso 10 Novema 1911, lomia i le *Paris Talks: Addresses Given by 'Abdu'l-Baha i le 1911* (Wilmette: Baha'i Publishing, 2006, 2016 printing), nu. 29.
2. Mai se tusi aso 1 Aperila 1946 sa tusia mo le Faatama, lomia i le *Malamalama o le Ta'ita'iga: A Baha'i Reference File* (New Delhi: Baha'i Publishing Trust, 1988, 2010 printing), nu. 1820, p. 537.
3. Mai se tusi aso 28 Iulai 2016 sa tusia mo le Maota o le Faamasinogatonu.
4. 'Abdu'l-Bahá, i *Nisi o Fesili ua Tali* (Wilmette: Baha'i Publishing, 2014, 2016 printing), nu. 66.3, pp. 352-53
5. Ibid., nu 38.5, p. 220.
6. Mai se saunoaga sa faia e 'Abdu'l-Bahá i le aso 9 Novema 1911, lomiaina i le *Paris Talks*, nu. 28.16, p. 104.
7. Mai se tusi aso 31 Tesema 1937 tusia mo Shoghi Effendi, lomiaina i le *Malamalama o le Ta'ita'iga*, nu. 680, p. 183.
8. *Tuufaatasiga o Nisi o Tusitusiga Pa'ia a Bahá'u'lláh* (Wilmette: Baha'i Publishing Trust, 1983, 2017 printing), LXXXII, par. 8, p. 183.
9. 'Abdu'l-Bahá, i *Nisi o Fesili ma Tali*, nu. 61.1-2, p. 334.
10. *Tuufaatasia o Tusitusiga Pa'ia a Bahá'u'lláh*, LXXX, par. 2, p. 174.
11. Ibid., LXXXI, par. 1, p. 176
12. Ibid., CLXV, par. 1-3, pp. 391-92.
13. Baha'u'llah, *O le Upu Lilo* (Wilmette: Baha'i Publishing Trust, 2003, 2012 printing), Arapi nu. 32, p. 11.
14. Mai se saunoaga sa faia i le aso 6 Iulai 1912, lomia i le *The Promulgation of Universal Peace: Talks Delivered by 'Abdu'l-Bahá during His Visit to the United States and Canada in 1912* (Wilmette: Baha'i Publishing, 2012), pp. 315-16. (authorized translation)
15. *Tuufaatasiga o Nisi o Tusitusiga Pa'ia a Bahá'u'lláh*, V, par. 4, p. 8.
16. Ibid., LXXXII, par. 1, pp. 179-180.
17. Ibid., CLIII, par. 6, pp. 370-71.

18. Ibid., XXVII, par. 2, pp. 72-73.
19. Ibid., XXVII, par. 3, p. 73.
20. Ibid., XXI, par. 1, pp. 54-55.
21. Ibid., LXXXI, par. 1, p. 177.
22. Ibid., CXXII, par. 1, pp. 293-94.
23. Ibid., LXXXII, par. 7, p. 182.
24. Ibid., LXXXI, par. 1, pp. 176-77.
25. Ibid., CXXV, par. 3, pp. 300-1.
26. ‘Abdu’l-Bahá, i Nisi o Fesili ma Tali, nu. 62.3, pp. 340-41.
27. *Tuufaatasiga o Nisi o Tusitusiga Pa’ia a ‘Abdu’l-Bahá*, (Wilmette: Baha’i Publishing, 2010, 2015 printing), n. 149.3-4, pp. 246-47.
28. *Tuufaatasiga o Nisi o Tusitusiga Pa’ia a Bahá’u’lláh*, LXXXVI, par. 1–2, pp. 192–93.
29. Ibid., CLIII, par. 9, p. 373.